




МЕСЯЦА ДЕКАБРЯ В 21-й ДЕНЬ

Предпразднство Рождества Христова.

**Иже во святых отца нашего Петра,
Митрополита Киевского и всея России**

Аще храм или настоятель изволит, творим бдение.

НА МАЛОЙ ВЕЧЕРНИ

Стихиры святого, глас 1.

Подобен: Небесных чинов:

Небесным чином поревновал еси, / святителю
Христов Петре, / и на земли, Богоносе,
освящен сосуд явился еси / и жилище
Святого Духа. / Темже ты ублажаем / и
святое твое днесъ честно, радующеся, празднуем
успение.

Небесных чинов радование / и на земли архиере-
ев похвала, / священников слава, Петре мудре, /
монашествующих правило и Церкви утвержде-
ние. / Темже ты молим: / не оскудей, помоществуя
нам, / притекающим к тебе работ твоим.

На Небесех водворяясь, / прими ныне хвалу
чад твоих, отче, / празднующих честно память
успения твоего, / и подаждь сердечная прошения, /
угодниче Христов Петре, / и Пречистой Матери
прилежно молися / спасти от бед души наша.

Слава, глас 6. Самогласен:

Божественная благодать в памяти успения тво-
его, / осеняючи притекающие к раце мощей тво-

их, / недугов исцеление подавает, / святителю отче
Пётре, / молися о душах наших.

И ныне, предпразднства, глас тойже:

Пойте Господу, рождшемуся от Девы; / воспойте
песнь, воинства Небесная, / земнии, воспещите
руками: / Бог бо в человецех, Человек Бог возда-
янием. / Се таинство совершается нам днесь, /
Царь Израилев, Христос приходит.

На стиховне стихир, глас 2.

Подобен: Дóме Евфрафов:

Дом духовный / Петр явися / поспешением благо-
дати Святаго Духа, / Имже ныне сошедшеся, / Того
воспоём.

Стих: Священницы Твой облекутся в правду, / и
преподобнии Твой возрадуются.

Радуйся, святителей, / Пётре, похвало, / священ-
ников славо, / правило монахов, / Церкви утвер-
ждение.

Стих: Восхваляются преподобнии во славе / и
возрадуются на ложах своих.

Приими ныне пение / чад твоих, отче, / и любя-
щим тя / подавай обычная прошения.

Слава, и ныне, глас тойже:

Дóме Евфрафов, / граде святыи, / пророков сла-
во, / украси дом, / в нёмже Божественный раж-
дается.

Тропарь святаго, глас 4: Яже прежде бесплод-
ная: писан на велицей вечерни. **Слава, и ныне**
предпразднства: Готовися, Вифлееме:

И отпу́ст.

НА ВЕЛИЦЕЙ ВЕЧЕРНИ

Блажен муж: **На** Господи, воззвах: **стихир на 8.**
Предпразднства 3 и святаго 5. Предпразднства
стихир, глас 4.

Подобен: Яко добля:

Предпразднственные песни / мысли право-
стию / Христова Рождества предвозгласим: / Отцу
бо и Духу / сый равночестен, / за милосердие
в наше обокся смешение, / хощет родиться в
Вифлееме; / Егóже Рождество несказанное / па-
стыри со Ангелы воспеша.

В кимв́алех возглас́им, / в пѣснех воскликнем: / Христо́во явлѣние показ́ся, / проро́ческая пропо́вѣдания конѣцъ при́яша. / Егѡже бо прореко́ша / плѡтию челове́ком явѣтися, / ражда́ется во святе́м верте́пе, / и в я́слех возлега́ет я́ко Отроча́, / и пелена́ми повива́ется я́ко Младене́ц.

Вифле́еме, угото́вися, / Еде́ме, ны́не отвѣрзися: / роди́ти Всесвята́я идет. / Небеса́ да веселя́тся, / да игра́ют челове́цы, / в я́слех Жизнь, в верте́пе Богаты́й, / приходи́т мно́жества ра́ди ми́лости, / нищету́ Ада́мову воспри́им, / кромѣ прело́жения и сме́шения.

Стихи́ры чудотво́рца Петра́, глас 2.

Подобен: Кѣими похва́льными:

Кѣими похва́льными венцы́ / увязѣм святѣтеля? / священства́ венѣцъ, благоче́стия управлѣние, / свѣтлое Цѣркве украше́ние, / исто́чник Божѣственных исцелѣ́ний неисчерпа́емый, / проли́тие дарова́ний духо́вных, / реку́ мно́гих чудесъ, / зе́млю Росси́йскую веселя́ща течѣ́ньми, // Петра́, те́плаго предста́теля на́шего и хранѣ́теля.

Кѣими смире́нными устна́ми воспо́им святѣтеля? / дѣвнаго в чудесе́х и Безплѡтных сожѣ́теля, / освяще́ннаго от пелѣн, столпа́ Цѣркве неподви́жима, / весе́лие земли́ на́шей, / пра́вды пра́вило, сирота́м пита́теля, / оби́димых засту́пника и больны́х врача́ безме́здна.

Приидѣ́те, ве́рных собо́ри, / псаломски воспле́щим рука́ми: / печа́льных утеше́ние и отча́янных засту́пника, / Божѣственнаго Петра́ воспева́юще, / похвалу́ земли́ Росси́йския и всего́ священства украше́ние, / реку́ ми́лости, / вои́стинну Божѣственнаго Христо́ва смире́ния ревни́теля, / пода́ющаго ми́рови ве́лию ми́лость.

Сла́ва, глас 1. Самогла́сен:

Божѣственнаго свѣ́ше явлѣ́ния свѣтлостію просветѣ́вся, Пѣ́тре, / тве́рдый умо́м, зако́нов избѣ́гл еси́ естѣ́ственных, / я́коже се́ни, благода́тию и́стинною, всему́дре, окроплѣ́н; / отону́дуже, при́ятелище Пресвята́го Ду́ха быв, / чудесъ дар восприи́мъ.

ял еси / и обогащаеши сими чада твоя. / И ныне, с
первосвятители предстои Христу, / молися о ду-
шах наших.

И ныне, предпразднства, глас тойже.

Подобен: Приими, Симеоне:

**Приимите, ясли, / Егоже в купинѣ Моисей зако-
ноположник провидѣ в Хоривѣ, / ныне раждаема
от Девы Духом Божественным. / Та есть, Яже в
законѣ реченная, / Та есть пророческая печать, /
Яже Бога плотию тленным являющи, Емуже
поклонимся.**

Вход. Прокимен дне. И чтенія.

Притчей чтение (главы 10, 3, 8):

**Память праведнаго с похвалами, / и благословѣ-
ние Господне на главѣ его. / Блажен человек, иже
обрете премудрость, / и смертен, иже уведѣ разум. /
Лучше бо сию куповати, нежели злата и сребра
сокровица. / Честнейшая же есть каменій много-
ценных, / все же честное недостойно ея есть. /
Долготѣ бо дней и лета живота в деснице ея; / в
шуйце же ея богатство и слава; / от уст ея исходит
правда, / закон же и милость на языке носит. /
Послушайте убо мене, о чада! / Честная бо реку: / и
блажен человек, иже пути мой сохранит, / исходи
бо мой — исходи живота, / и уготовляется хотѣние
от Господа. / Сего ради молю вас / и предлагаю мой
глас сыновом человеческим: / яко аз, Премудрость,
устроих совет, / и разум и смысл аз призвах. / Мой
совет и утверждение, / мой разум, мой же кре-
пость. / Аз мене любящая люблю, / ищущи же мене
обрящут благодать. / Разумейте убо, незлобивии,
коварство, / ненаказанныи же, прилагайте
сердца. / Послушайте мене и паки, честная бо
реку, / и отверзу от устен правая / яко истине
поучится гортань мой, / мерзски же предо мною
устны лживыя. / С правдою вси глаголы уст моих, /
ничтоже в них стропотно, ниже развращенно. /
Вся права суть разумевающим / и проста обрета-
ющим разум. / Научаю бо вас истине, / да будет о
Господѣ надежда ваша, / и исполнитесь Духа.**

Премудрости Соломоновы чтение (главы 4 и 5):

Праведник, аще постигнет скончаться, в покои будет./ Осудит же праведник умираяй живущия нечестивыя./ Узрят бо кончину праведнаго и не разумеют, что совещаща о нем;/ яко повержет Господь нечестивыя безгласны ниц,/ и поколеблет их от оснований,/ и до послѣдняго исчезнут в болѣзни,/ и память их погибнет./ Прийдут бо в помышление согрешений своих ужасни,/ и обличит их сопротив беззакония их./ Тогда станет в дерзновении мнозе праведник пред лицом оскорбивших его/ и отметающих труды его./ Видевше же его, смятутся страхом многим/ и ужаснутся о преславном спасении его./ Рекут бо к себе, кающесе,/ и в тесноте духа воздохнут и рекут:/ сей бе, егоже имехом некогда в посмех/ и в притчу поношения, безумнии./ Житие его вменихом нейстово и кончину его безчестну./ Како вменися в сынех Божиих,/ и во святых жребий его есть?/ Убо заблудихом от пути истиннаго,/ и правды свет не облистá нам,/ и солнце не возсия нам./ Беззаконных исполнихомся стезь и погибели,/ и ходихом стези непроходны,/ пути же Господня не разумехом.

**Премудрости Соломоновы чтение
(главы 10, 6, 8, 9):**

Уста праведнаго каплют премудрость,/ устне же мужей мудрых ведут благодать./ Уста мудрых поучатся премудрости,/ правда же избавляет их от смерти./ Скончавшуся мужу праведну, не погибнет надежда./ Сын бо праведен раждается в живот/ и во благих своих плод правды объимет./ Свет праведным всегда,/ и от Господа обрящут благодать и славу./ Язык мудрых добрая свесть,/ и в сердце их почиет мудрость./ Любит Господь преподобная сердца,/ приятни же Ему вси непорочнии в пути./ Мудрость Господня просвещает лице разумаго./ Постигает бо желающия ю, прежде даже разумеи ю,/ и удобь узрится от любящих ю./ Утреневавый к ней не утрудится,/ и бдяй ея ради вскоре без печали будет./ Яко достойных ея сама обходит, ищущи,/ и во стезях

ея является им благоприемне. / Мудрости никогда-
же одолеет злоба. / Сих ради и рачитель бых
добро́ты ея, / и возлюбих ю, и поисках от юности
моея, / и взысках невесту привести себе, / яко всех
Владыка возлюбй ю; / тайбница бо есть Божия
хитрости / и обретательница дел Его. / Труды ея
суть добродетели, / целомудрию же и разуму та
учит, / правде и мужеству, / ихже потребнее ничто-
же есть в житий человеком. / Аще же и мно́гаго
искусства желает кто, / весть древняя и быти
хотящая разсмотрит, / свесть извѣтия словес и
разрешения гаданий, / зна́мения и чудеса
проразумѣет / и сбытия вре́мен и лет, / и всем
советник есть благ, / яко безсмертие есть в ней / и
благосла́вие во общении словес ея. / Сего ради
бесѣдовах ко Господу, и помолихся Ему, / и рех от
всего́ сердца моего: / Бо́же отцев и Господи
милости, / сотвори́вый вся Сло́вом Твои́м / и мудро-
стию Твоею устро́ивый челове́ка, / да владеет
бывшими от Тебе тварьми / и да управляет мир в
преподобии и правде, / даждь ми Твои́х Престо́лов
присѣдающую Премудро́сть / и не отлучй мене́ от
отрок Твои́х, / яко аз раб Твой и сын рабыни
Твоея. / Посли ю с Небес от свята́го жилища
Твоего / и от Престо́ла сла́вы Твоея, / да сущи со
мно́ю научит мя, / что́ благоугодно есть пред
Тобо́ю; / и наставит мя в разум, / и сохранит мя в
сла́ве своей. / Помышления бо смертных вся бояз-
лива, / и погрешительна умы́шления их.

На литий стихира храма и свята́го, глас 4:

Свѣтло днесь Цѣрковь украша́ется / и радуется,
зову́щи, / уясни́ся мой добро́та па́че всех: / святите-
лем бо красота́, сла́вный Петр / взыде на Небеса́ к
Царю́ всех ца́рствующему. / Приидите же, праз-
днолю́бцы, правосла́вных собо́ри, / пѣния и похва-
лы́ Тому́ принесѣм, зову́ще: / о святителей добро́-
то! / Моли́ся Христу́ Бо́гу / изба́вити христоимени-
тыя лю́ди от вся́кия ско́рби / и спасти́ ду́ши на́ша.

Глас 6:

Ду́ха Божѣственная благода́ть святителя́ тя
показа́ / и учителя́ изрядна́ яви; / тем, мрак нече́-
стия обли́чив, / лю́ди Богоразу́мия уче́ными про-

свѣтил еси, / святителю Богомудре Пётре, / архиереев слава еси и красота, / и всем был еси известен образ учений. / Дерзновение имея ко Христу Богу, / Того присно моли спастися душам нашим.

Доблестей твоих, священне отче, / плод уясни верных сердца, / кто бо слыша безмерное твое смирение / и терпению не удивится? / И еже к нищим тихость, и к скорбящим милование. / Вся боголепно научил еси, святителю Пётре, / и ныне на Небесех, неувядаемым венчався венцем, / моли о душах наших.

Слава, глас 6. Самогласен:

Преподобне треблаженне священный отче, / пастырю добрый, / яко Пастыреначальника, Христа, учениче, / положивый душу твою за овцы, / сам и ныне, прехвальне святителю Пётре, / испроси молитвами твоими / даровати нам велию милость.

И ныне, предпразднства, глас тойже:

Сионе, торжествуй, Иерусалиме, веселися, / граде Христа Бога, / подыми Зиждителя, в вертепе и яслех вместиаемаго. / Отверзите ми врата и, вшед в ня, / узрю яко Младенца, пеленами повиваемаго, / дланию же содержащаго тварь; / Егоже поют Ангели непрестанным гласом, / Жизнодавца Господа, / спасающего род наш.

На стиховне стихиры предпразднства, глас 1.

Подобен: Всехвальнии мученицы:

Видящи держима / руками Своими, Всечистая, Творца, / вещаше: Чado Сладкое, / како Тя Младенца зрю / и разумети не могу непостижимаго / Твоего ныне снисхождения? / Пою державу Твою, / поклоняюся милосердию Твоему, / егоже ради спасти мир пришел еси.

Стих: Бог от юга придет, / и Святыи из горы приосененныя чащи.

Явися, воплощаемъ / из Тебe, Мати Неискусобрачная, / и в вертепе раждаемъ, / и видимъ Божественными / горними чинми Невидимый: / человека бо прииде избавити от лести змийныя. / Не удивляйся, Всенепорочная, о Рождествe, / естество превосходящемъ.

Стих: Гóсподи, услышах слух Твой и убояхся, / Гóсподи, разумѣх дела Твоя и ужасóхся.

Тя, Младѣнца пресовершѣнна, зрю, / в яслех возлежáща, / не вем же тáйны глубинú нескáзáну: / кáко и по рождествѣ нетлѣнна пребых, / закóны прешѣдши естествá? / Кúю úбо хвалú Тебѣ принесú? / Кáко прослáвлю Тя? / Дѣва Отроковíца вещáше.

Слáва, глас 8:

Приидíte, вси вѣрнии, / соглáсно воспойм Пётрá всеблáженнаго, / блáгочѣстiя светíло, / воздержáния прáвило, / терпѣния столп, простоты сокровище, / смиренiя рекú обильную, / нíщих утешѣние, стрáнных странноприѣмника, / и íстинныя любвѣ Христóвы дѣлателя войíстинну блáженнаго. / Сей úбо жив и, прешѣд, / челове́ком заступник и спасíтель показáся, / болѣзней и страстѣй неисцѣльных врач / и от вся́ческих напáстей свободíтель, / и Христá мо́лит спастísя душáм нáшим.

И ны́не, глас тойже:

Восприимí, Вифле́еме, Бóжию митропо́лию: / Свет бо незаходíмый в Тебѣ родíтися прихóдит. / А́нгели, удивíтеся на Небесí, / челове́цы, прослáвите на землí, / волсвí, от Персíды преслáвный дар принесíте, / пáстырие, свиря́юще, трисвято́е пѣние слáдце воспóйте: / вся́кое дыхáние да хвáлит Вседѣтеля.

Тропа́рь, глас 4:

Я же прѣжде безпло́дная, землѣ, ны́не веселísся: / се бо Христóс светíльника в тебѣ показá, / я́ве сия́юща в мíре / и исцелева́юща недúги и болѣзни нáша. / Сего́ рáди ликúй и веселísся со дерзновѣнием: / святíтель бо есть Вы́шняго, / сiя содѣловаяй.

Ин тропáрь, глас 8:

Ликúй свѣтло, блáгослáвнейший гра́де Москвá, / имѣяй в себѣ архiereя Пётрá, / я́ко зарю́ со́лнца, всю Росси́ю чудодея́нии озаря́юща: / той бо нѣмо́щи врачúет / и недúги, я́ко тьму, прогóнит от вопи́ющих ему́: / ра́дуйся, иерáрше Бóга Вы́шняго, / тобо́ю сiя пáстве твоѣй содѣлова́ющаго.

Ин тропарь, глас 4:

Б лаговѣрно пожив в міре, / житиѣм чѣстым
просветѣвся, / учѣніем святѣтельства приѣм
пáству, / апóстолом наслѣднице. / Тем приѣм дар
чудес от Бóга, óтче Пётре, / моли Христá Бóга / да
спасёт дýши нáша.

Слáва, и ныне предпразднства, глас 4:

Г отóвися, Вифле́еме, / отвѣрзися всем, Еде́ме, /
красу́йся, Евфра́фо, / я́ко дре́во животá в
верте́пе процветé от Дѣвы: / рай бо О́ноя чре́во
явѣся мысленный, / в нёмже Божѣственный сад, /
от него́же я́дше, жи́ви бу́дем, / не я́коже Ада́м
у́мрем. / Христо́с ражда́ется пре́жде па́дший воз-
ста́вити о́браз.

Ведомо буди, идеже празднуется святаго Петра зри
Митрополита праздник, поем канон святых Иули-
ании на повечерии (зри страницы 155—163) вкупе с
трипеснцем (зри страницы 152—154) и последи
стихиры святых Иулиании.

НА УТРЕНИ

На Бог Господь: тропарь предпразднства: Гото-
вися, Вифле́еме: Два́жды. Слáва, свята́го. И ныне,
предпразднства.

По 1-й стихологии седа́лен, глас 1.

Подóбен: Гроб Твой:

Вели́кий Христо́в святѣтель да воспо́ется, /
столп свѣтлый, просвѣща́ющий ны чудес свѣтло-
стью́ми, / о́блак ро́сный, пла́мень страсте́й по-
гаша́ющий / и ороша́ющий ве́рных мысли, Божѣ-
ственный Петр.

Слáва, и ныне, предпразднства, глас то́йже:

Приклонѣвый Небеса́ и в Дѣву вселѣвыйся /
происходит плóтию в Вифле́емстем верте́пе роди-
тися, я́коже пи́шется, / явѣтися же Младене́ц,
младенцы оживля́я во утробе. / Сего́, ра́дующеся,
ныне сря́щем вси се́рдца правостию.

По 2-й стихологии седален, глас 3.

Подобен: Красотѣ дѣвства:

Милостивому Христову угоднику, незлобивому и кроткому, / вси тебе любвию зовѣм, прилежно молящися: / разреши междоусобную страстей наших брань, / разруши злочестивая агарян коварствия, / и покорь тыя правоверным, присноблаженне, / и всяческих избави искушений, любвию воспевающих тя.

Слава, и ныне предпразднства, глас 1:

Веселися, Вифлееме, Евфрафо, готовися: / се бо Агница, Пастыря великаго в ложеснах носящи, родити грядет, / и, предвидяще Божественную звезду, волсви радуются, / с пастыри поюще, правостию сердечною.

По полиелѣи седален, глас 5.

Подобен: Собезначальное Слово:

Православными сиянии, / яко во тьме лежащия ны, отягченныя во гресех, просветил еси / и вся коварства лукавых духов отгнал еси, / чудес самодетелен явился, отче, / славимъ Промыслом Вышняго был еси. / Тем ты верою почитаем, святителю Петре, / апостолов и патриархов единокровниче.

Слава, и ныне, предпразднства,

глас и подобен тойже:

Вифлееме, готовися на сретение Девы Марии и Богоматере: / се бо грядет к тебе, Младенца носящи Христа, / Собезначальнаго Отцу и Духу присно. / Егже в вертепе родит и по рождестве Дева паки явится.

Таже степенна, 1-й антифон 4-го гласа. **Прокимен, глас 4:** Уста моя возглаголют премудрость, / и поучение сердца моего разум. **Стих:** Услышите сия, вси языцы, внушите, вси, живущии по вселенней. **Всякое дыхание: Евангелие от Иоанна, зачало 35 от полу.**

По 50-м псалмѣ стихира, глас 6:

Егда преставление честнаго твоего тела, отче, приспѣ, / тогда множество верных, обступивше

одр,/ умильно провождаху тя./ И ов бо зря тя, благословляюща люди, удивляшеся,/ князь же Иоанн со слезами вопияше:/ о владыко,/ что ти воздам противу твоего благодеяния,/ еже нам даровал еси, прием от Бога благодать?/ Тémже, святителю Пётре,/ молися прилѣжно Христу́ Богу нашему/ спастися невоевану граду твоему.

Канонъ предпразднства со ирмосомъ на 6 и святаго два на 8. Канонъ предпразднства писанъ ниже сегоже числа. Канонъ святаго Петра, глас 8.

Песнь 1

Ирмосъ: Воду прошед, яко сушу,/ и египетскаго зла избежав,/ израильтянин вопияше:/ Избавителю и Богу нашему поим.

Отче Богомудре, святителю Пётре,/ отверзи моя недостойная уста воспети тя/ и прими, яко благовонное кадило, от убожества моего,/ еже тебе принесох, недостойный.

Воспойм вси великаго святителя Петра,/ почтим заступника и утверждение земли Россійския,/ егже дарова Господь граду Москвѣ хранителя бодра.

Спасительнымъ Христовымъ заповедемъ последовал еси, премудре святителю Пётре,/ вдов и сиротъ был еси предстатель/ и земли Россійския великое защищение.

Богородичен: Пречистая Богородице,/ Содетеля и Спаса рождающая всехъ поющихъ Тя,/ спаси отъ бедъ градъ Твой,/ непрестанно молящи Сына Твоего и Бога нашего за ны.

Другий канонъ чудотворца Петра, глас 1.

Песнь 1

Ирмосъ: Христосъ раждается — славите!/ Христосъ с Небесъ — срящите!/ Христосъ на земли — возноситеся!/ Пойте Господеву, вся земля,/ и веселиемъ воспойте, людие,/ яко прославися.

Благодать Духа приемъ, отче, во твоё сердце, Христовъ святителю,/ уясни языкъ и сердце просвети твоихъ певецъ,/ еже твою память воспети светло, Пётре преподобне.

Великий ныне Петр, пастырь Церкви державный, / пастыря вкупе и пасомыя / и всю Церковь в память свою призывает: / темже, собравшися, яко общему отцу светло торжествуем.

Аще и побеждают твой исправления словеса наша и помышления, отче Петре, / обаче душевное наше предложение, по силе приносимое тебе, / прими с любовью, досточудне: / еже бо по достоинству песни тебе соплесть / не возможно есть и всем нам.

Богородичен: Светлое приходит солнце, / от врат заключенных являющееся: / ночь бо явленне упразднися, день же приближися. / Темже, естество наше тленное, приими Владыку от Девы, / Тебе ради тленна бываема.

Катавасия: Христос рождается:

Песнь 3

Ирмос: Небеснаго круга Верхотворче, Господи, / и Церкви Зиждителю, / Ты мене утверди в любви Твоей, / желаний краю, верных утверждение, / Едине Человеколюбче.

Сокруши агаряны и вся сопостаты безбожные, преподобне Петре, / молением твоим к Творцу и Богу нашему, / и силу их, борющую ны, немощну покажи, и свирепства злолютая покорй.

Ты проявил еси, Владыко, в последнем роде нашем чудотворца святителя Петра, / земли Российской утверждение, Церкви Твоей правое правило / и иерейскаго чина чиноначальника.

Тебе прикоснувшись, святе, сущему в честном гробе твоём, / исцеление получитьи сподобися: / рукам бо того, к персем прикрившимся, Божиею благодатию даеши простираться.

Богородичен: Буди ми, Дево, прибежище и пристанище, / стена неборимая и Заступница, / Бога плотию рождающая, Пречистая, / Избавителя Всещедраго и Спаса поющих Тя, Богоневестная.

Ин

Ирмос: Прежде век от Отца рожденному нетленно Сыну / и в последняя от Девы / воплощенному

безсѣменно,/ Христу́ Бо́гу возопи́м:/ вознесы́й
рог наш,/ Свят еси́, Го́споди.

Позна́ ты, Богоно́се, Всевѣдец Бог прѣжде, е́же
зача́тися тебѣ во утробѣ,/ и, родившася, освяща́ет
тя и па́стыря овец Свои́х вели́ка устро́ет:/ я́ко бо
апосто́лу Петро́у, вверя́ет тебѣ Сво́я а́гнцы.

Жезло́м воздержáния страстѣй мо́ре разделѣв,
блаже́нне,/ я́ко Моисѣ́й, на безстра́стия го́ру
возше́л еси́/ и, приѣм мы́сленныя скрижа́ли,/ па́ству твою́ научи́л еси́ Христо́ву зако́ну.

Смирѣн яви́лся еси́, кро́ток же и тих, Пётре,/ отону́дуже Ду́ха благода́ть, обильне излия́вшееся
на ты, вели́ка показá ты,/ чудес лучáми зѣмлю на́шу
осиява́юща.

Богородичен: Кре́пкий, держа́вный, вопло́ти-
выйся ны́не Бог/ яви́ся сущим во тьме сѣни
смѣртныя./ Свет уви́дите, ве́рнии, вели́к — Христа́
в пещѣре,/ иму́ща от Дѣвы роди́тися стра́шно,/ Ю́же ве́рно воспо́йм.

Катава́сия: Прѣжде век:

Конда́к предпра́зднства, глас 3.

Подобен: Дѣва днесъ:

Дѣва днесъ Превѣ́чное Сло́во в вертѣ́пе грядѣ́т
роди́ти неизрече́нно:/ лику́й, вселѣ́нная, услы́-
шавши,/ просла́ви со А́нгелы и па́стырьми хотя́-
щаго яви́тися отрочá Мла́до, Превѣ́чнаго Бо́га.

И́кос:

О, ужáснаго войсти́нну и па́че сло́ва чудесе́!/ Е́же бы́ти дай все́м/ ра́ди бла́гости во чре́во
Святы́я Дѣвы вни́де,/ и в вертѣ́пе роди́тися
грядѣ́т,/ и в я́слех положи́тися./ Звезда́ же Сего́
проповѣ́дует свѣ́ше волхво́м,/ идущим на поклонѣ́-
ние Егó с да́ры, издалѣ́ча привлека́щи,/ со тщи́ни-
ем послѣ́дующия Вала́ама прорече́нию, ре́кшаго:/
звезда́ хо́щет превозвести́ти Отрочá Мла́до, Пре-
вѣ́чнаго Бо́га.

Конда́к Петро́у, глас 4.

Подобен: Яви́ся днесъ:

Яви́ся днесъ пресвѣ́тлая па́мять тво́я, святите́-
лю преблаже́нне Пётре,/ в ми́ре свѣ́тло
сия́ющи/ и явля́ющи все́м Божѣ́ственное сия́ние.

Седáлен, глас 4.

Подóбен: Скоро предварі:

Светильник светосіянен явілся еси́ міру,/ просвещáяй блистáньми Божественных тво́их словес вѣрных помышлѣнія, святителю́ отче Пётре./ Тѣмже вси священную твою́ и Божественную пáмять днесь радóстно совершáем.

Слáва, и ны́не, предпразднства. Подóбен тойже:

Дѣвы, предначните девическую радóсть;/ мáтери, восхвалите провождѣние Мáтере Христá Бóга нáшего;/ волсвѣ со Ангелы, с нáми пáстырие:/ грядѣт бо Дѣва во гра́де Вифле́еме родити Сýна, Превѣчнаго Бóга,/ спаса́ющаго мир от тлѣнія.

Песнь 4

Ирмóс: Услы́шах, Гóсподи,/ смотрѣнія Твоегó та́инство,/ разумѣх делá Тво́я/ и прослáвих Твоѣ Божество́.

Благодáтию Дúха помáзался еси́ архи́ерей, всеизрядне Пётре,/ во Христá бо одѣявся житія́ ради ч́истаго./ Тем научил еси́ слáвити в Трóице Ед́инаго Бóга.

Избáви твоѣ ста́до от бúри грехá, преподóбне святителю́ Пётре,/ бед же и скорбѣй,/ приводя́ ны в пристáнища т́ихая Божественныя во́ли Христóвы.

Христóв явілся еси́ уго́дник, отче пресвященне Пётре:/ тем моля́ся не престáй ко Гóсподу/ от напáстей, и бед, и скорбѣй избáвити ста́до твоѣ,/ и от нýждных искушѣний.

Богорóдичен: Священно Тя слáвят святительстии собóри и вси преподóбных ли́цы:/ Зиждителя́ бо всех, Сýна, Сло́во Бóжие,/ я́ко Младѣнца на руку́ Твоѣю понесла́ еси́.

Ин

Ирмóс: Жезл из ко́рене Иессéова / и цвет от негó, Христé,/ от Дѣвы прозя́бл еси́,/ из горы́, Хвáльный, приосенѣнныя ча́щи/ пришѣл еси́, вопло́щся/ от Неискусомóужныя, Невещественный и Бóже./ Слáва síле Твоѣй, Гóсподи.

Законом от сосѣц матерних подклонѣвся духовным, / законы плотскіѣ превшел еси, преподобне, / яже в жизни твоей умертвил еси воздержанием крепким. / Егѡже ради дан еси верным чудотворец велик, Пётре блаженне.

Сна очесѣм твоим и дремания вѣждом не дал еси, / дѡндеже обрѣте мѣсто покойно всех Содѣтель, ѡтче, сердце твоѣ, / еже очѣстившееся достойне показá Своѣ жилище славы / Царь и Бог вѣчный.

Умертвѣ мудрованіе, премудре, плѡти моея неисцѣльное, / и к Божественным стезѣм настави мя, яко крепок и силен, / и законом благим мя повинѣ, блаженне, / и раба покажи мя Христѡва, / порабощеннаго страстьми лютыми.

Богорѡдичен: Избавленіе послá Господь, якоже писано есть, / людем, и племенѣм, и языком ныне. / Люди бо Себѣ вся содевает, единому верѡю покланяющіѣся воплощенію Сыновню / и Тебѣ, Богорѡдицу, исповѣдающіѣ.

Катавасія: Жезл из корене:

Песнь 5

Ирмос: Вскую мя отринул еси / от лица Твоегѡ, Свѣте Незаходимый, / и покрыла мя есть чуждая тьма, окайннаго, / но обратѣ мя и к свѣту заповедей Твоих / путѣ мой направи, молюся.

Окрест стояще раки твоея, святителю преподобне Пётре, / имѣем тя ходатая к Бѡгу, / и заступленіе земли Россійскія, и утверждѣніе незыбленное.

Милостив быв убогим, / милость душевную испросѣ, прехвальне: / милостыню бо стяжав, ѡтче святыи Пётре, / свещу свѣтлу устроил еси.

Жилище был еси Святаго Духа войстинну, блаженне Пётре, / и Тогѡ явленными Божественными дарами дѡбре разбогатѣлся еси.

Богорѡдичен: Мѣро Тя именуѣм, Пречѣстая, / яко рѡждшую Бѡга плѡтию, / истощенное благодатное мѣро всем, притекающим под кров Твой.

Ин

Ирмос: Бог Сый мѣра, Отѣц щедрѡт, / Великаго Совѣта Твоегѡ Ангела, / мир подавающа, послáл

еси́ нам; / тем, Богоразу́мня к свѣту наста́вльшеся, / от но́щи у́треннююще, / славосло́вим Тя, Человеколю́бче.

Яко вели́кое бога́тство твои́х щедро́т яви́ся в земли́ на́шей, / безчи́сленное проли́тие ми́лости твоея́, слуго́ Христо́в: / ты бо прося́щим су́щая подае́ши / и ты́я насы́тити тщи́шися твои́м предлож́ением, блаже́нне.

Кро́ток яви́лся еси́, купно и смире́н де́лом и сло́вом, / и сим вся к себѣ привл́екл еси́. / Любо́вию и до́брыми де́лы вся укроти́л еси́ / и сердца́ возвесели́л еси́ укрепля́емых твои́ми чудесы́.

Вели́кий па́стырь всех Христо́с / овецъ тя, блаже́нне, показа́ Свои́х па́стыря и учи́теля словесныхъ. / Те́мже заблужда́ющаго мя на гора́х поги́бели, / я́ко па́стырь сострада́телен, твоѐ ны́не овча́ взыщи́.

Богородичен: Вели́кий челове́ков Па́стырь и Святите́ль / от Де́вы я́ко Челове́к приходи́т пучи́ною неизрече́нных щедро́т; / Вифле́еме, угото́вися, па́стырие, воспева́йте, / о́бщее возведе́ние возве́щающе концѐм.

Катава́сия: Бог Сый ми́ра:

Песнь 6

Ирмо́с: Очи́сти мя, Спа́се, / мно́га бо беззаконя́ моя, / и из глубины́ зол возведи́, молю́ся, / к Тебе́ бо возопи́х, и услы́ши мя, / Бо́же спасе́ния моего́.

Жити́е твоѐ целомудренно, священноявле́нне, соверши́л еси́, правдою украси́вся / и му́жеством смы́сла добродѣтели сочета́в себѐ, / преблаже́нне святителю́ Пётре.

Храни́ град твой, святителю́ Пётре преблаже́нне, / от безбо́жных и чужеве́рных нахожде́ний и от междоусо́бных ра́ти, / моля́ся непреста́нно Влады́це Христу́, / е́же мир па́стве твоѐй дарова́ти.

Ты у́бо и по сме́рти сла́вимъ, я́ко жив, чудодѣ́йствуеши немощны́м / и сля́ченным дае́ши исцеле́ние Божѣственною благода́тию, / глаго́лет бо Господь: / прославля́ющаго Мя просла́влю.

Богородичен: Превы́шши была́ еси́ Небе́сных сил, заче́нши Сло́во Бо́жие неизрече́нное, / И́же,

всяческая словом совершив, и от Отца прежде век
родися; / Того, Чистая, молящи не претай.

Ин

Ирмос: Из утробы Иону младенца изbleва мор-
ский зверь, / якова прият; / в Деву же всельшееся
Слово / и плоть приемшее пройде, сохранившее
нетленну: / Егоже бо не пострада истления, /
Рождшую сохрани неврежденну.

Ты сирот войстинну был еси отец / и вдов
заступник, славне, / печальных же и сущих в
скорбех сладкое утешение, / врач душевных стра-
стей, купно и телесных. / Темже вси призываем
тя, / еже быти тебе нам предстателю во обстояниях
наших.

Мужие священнии, / радостно с народом днесь,
твою, отче, память празднующе, торжествуют, /
имже согласно истиннии безмолвницы и простии
вси обще тя воспевают, / предстателя же вкупе и
учителя.

Чадо порочное аз един бых, отче, страстьми
скверными / и того ради недостойн добраго твоего,
славне, и краснаго празднования; / но ты, очистив
мою скверну, преподобне, душевную и телесную, /
покажи мя торжества твоего быти достойна.

Богородичен: Чудо настоящее, чудо превос-
ходящее / и слова и ума всего выше, / ибо Дева
таяжде и Мати познавается, и рождающееся купно
Бог и Человек. / Сего светлое рождение предпраз-
днующе, воспеваем радостная.

Катавасия: Из утробы Иону:

Кондак, глас 2.

Подобен: Вбранной:

Вбранному и дивному наша земли чудотвор-
цу, / днесь любовью тебе притекаем, песнь,
Богоносе, плетуще, / яко, имея дерзновение ко
Господу, / многообразных избави нас обстояний,
да зовем ти: / радуйся, утверждение граду нашему.

Икос:

Новый чудотворец явился еси, / исцеления пода-
вая всем, усердно от души приходящим: / и Хри-

сто́вы лю́ди, Богоно́се, неvíдимо посещáя, зéмлю нáшу просвещáеши, / я́ко да соглáсно зовéм ти си́це: / рáдуйся, свéта безстра́стного до́ме; / рáдуйся, страстéй тёмных прогонíteлю; / рáдуйся, дéмонския разрушívый кóзни; / рáдуйся, áнгельския возвеселívый чíны; / рáдуйся, высотó Боговидéния чíстаго; / рáдуйся, глубинó смиréния, болéзни омывáющая; / рáдуйся, я́ко был есí зрíteль неvíдимых; / рáдуйся, я́ко сообщíлся есí ликóм святíteлей; / рáдуйся, землí Россíйския пáстырю и учíteлю; / рáдуйся, святíteлем изрýдная похвалó; / рáдуйся, егóже рáди показá Бог чудодéйствия вéлия; / рáдуйся, егóже рáди Бог слáвится; / рáдуйся, утверждéние гра́ду нáшему.

Песнь 7

Ирмós: *От Иудéи дошédше, óтроцы / в Вавилóне иногдá / véрою Трóйческою пла́мень пéщный попра́ша, пою́ще: / отцév Бóже, благословén есí.*

Отвэрзи ми двéри покая́ния, преблаже́нне, архиере́ю Пётре, / да омýю сквэрну ока́янные моея́ душí и тéла, / вся чýвствия и со́весть направл́яя Бо́гу пéти: / отцév нáших Бóже, благословén есí.

Имамы тя застúпника тéпла, твой рабí, / и стéну необорíму гра́да твоегó Москв́ы, и утверждéние, / и не убо́ймся сопостáтных врагóв, / но побежда́ем т́я сíлою Христо́вою, пою́ще: / отéц нáших Бóже, благословén есí.

Уста́вы отéческия утвердíl есí, мýдре, / и Цérковь Пресвяты́я Бóжия Мáтере священства лéпотою прекра́сну устро́ил есí, / и учéнии тво́ими лю́ди наказáл есí пéти: / отéц нáших Бóже, благословén есí.

Богорóдичен: Спасíteльное пристáнище, Богорóдице Дéво, Ты имýще ны́не, / житéйских бед и бýри избега́ем, / к пристáнищу тишины́ Твоея́ прибега́юще, Сы́ну Твоемý зовéм: / отéц нáших Бóже, благословén есí.

Ин

Ирмós: *Óтроцы, благочéстию совоспита́ни, / злочестíваго велéния небре́гше, / óгненнаго прещé-*

ния не убоѣшася,/ но, посреде́ пла́мене стоя́ще, поѣху:/ отцевъ Бѣже, благословѣн еси́.

Земля́ на́ша и страны́ согла́сно, ѡтче, чудеса́ твоѣя́ возвеща́ют,/ ѡже повсю́ду уча́ще пѣти Христу́ прера́достно:/ отцевъ на́ших Бѣже, благословѣн еси́.

Жени́х, краси́ый добро́тою па́че всехъ сыно́въ челове́ческих, ѡкоже пи́сано е́сть,/ невесте́, блаже́нне, своѣй, Це́ркви, краси́ейша́ ты показа́ жени́ха,/ Того́ нося́ща о́бразы подѡбѣя.

Украси́в твоѣ́ жити́е ми́лостынею, и крѡтостию, и любѡви́ю ѡ́стинною,/ подража́тель показа́лся еси́ изря́дный Па́стыря до́браго,/ избра́в Того́ добродѣтели до́бре.

Богоро́дичен: Прихо́дит Влады́ка в верте́п роди́тися ѡко́ Челове́къ;/ предъусря́щим, ве́рнии, Де́ву Чи́стую, воспева́юще Ей ра́достно:/ ра́дуйся, ми́ра Ра́досте,/ ра́дуйся, Де́во, Ма́ти Христо́ва.

Песнь 8

Ирмо́с: На горе́ святе́й просла́вльшася/ и в купинѣ́ огне́м Присноде́вы Моисе́ови та́йну я́вляшаго,/ Го́спода по́йте / и превозно́сите во вся ве́ки.

Побежде́н быв от врага́ прегреше́нии мно́гими молв житѣ́йских,/ ве́рою прихо́жду́ и, ѡко́ Манасси́я, в покая́нии вопи́ю Ти, Христе́:/ Го́спода по́йте, дела́, и превозно́сите Его́ во ве́ки.

Моли́твы, преблаже́нне, и моле́ния твори́ приле́жно к Бо́гу при́сно за рабы́ твоѣя́,/ в печа́лех заступни́ка и побѡрни́ка ты иму́щия, от бед спаса́емся,/ Го́спода пою́ще и превозно́сяще Его́ во ве́ки.

Воору́жаются на лю́ди твоѣ́ смире́нныя, святи́телю пречестны́й ѡтче Пѣ́тре, сынове́ агари́ны;/ сокруши́ ты́я невидимо́ю си́лою моли́тв твои́х/ ко Влады́це за ны, при́сныя рабы́ твоѣя́,/ Го́спода пою́щия и превозно́сящия Его́ во ве́ки.

Богоро́дичен: Влады́чице Де́во Пречи́стая и пресла́вная,/ со святи́телем Петро́м Твое́му́ Сы́ну и Царю́ моли́ся приле́жно / от вся́кия ну́жды и бед изба́вити град твой ѡ́скренний Москв́у,/ Тебе́ ве́рою блажа́щий, Госпоже́, и пою́щий, и превозно́сящий во вся ве́ки.

Ин

Ирмос: Чѹда преестѣственного / росодѣтельная
изобразѣи пещь образ: / не бо, яже приѣт, палѣт
юныя, / яко ниже огнь Божества Дѣвы, / в Нюже
вниде утробу. / Тем, воспевающе, воспоем: / да
благословѣтъ тварь вся Господа / и превозносит во
вся вѣки.

Окормѣи моли́твою твоѣю па́ству сию́ многочело-
вѣчную твою́, / и бу́ри ветр протѣвных, чу́вствен-
ных и мы́сленных уста́ви твоими моли́твами, / и
изба́ви всяких искуше́ний и смущѣ́ний, / и да́же до
конца́ неврежде́ну соблюда́й.

Падóша воста́ющии на ны, о́тче, твоими моли́т-
вами побежда́еми ага́рины вну́цы, / хотя́щии на-
сле́дие твоѣ озло́бити, / и смех бѣ́ша и поруга́ние,
пада́ния своего́ пла́чуще; / мы же воспева́ем радо-
стно твою́ свяще́нную па́мять.

Неизрече́нно твоѣ чадолю́бие, о́тче, превосходя́-
ще оте́ческую лю́бовь: / всегда́ у́бо невидимо нас
посеща́еши, / непреста́нными твоими моли́твами
спасе́ние нам испроша́я / и подава́я нам с тѣхо-
стию, Пётре, ра́достная.

Богородичен: Всегó мя, па́дша, Богороди́це Дѣ-
во, и погубѣ́вша, / е́же по образу, Чи́стая, Бог,
Своего́ создáния не презрѣ́в, / Тобо́ю всего́ мя
обнови́. / Егóже ра́ди Тебѣ́, вину́ спасе́ния на́шего,
вся тварь воспева́ет, зову́щи: / благослове́нна Ты в
жена́х еси́, Всенепоро́чная Влады́чице.

Катавасия: Чѹда преестѣственного:

Песнь 9

Ирмос: Ужасе́ся о сем Не́бо, / и земли́ удиви́шася
концы́, / яко Бог яви́ся челове́ком плóтски / и чре́во
Твоѣ бысть пространнейшее Неб́ес. / Тем Тя,
Богороди́цу, / Ангелов и челове́к чинонача́лиа
велича́ют.

Я́ко блудни́ца, и разбо́йник, и мыта́рь вопи́ю Ти
от се́рдца, Христѣ́: / согреших, прости́ мне, Влады́-
ко, мно́гая моя́ согреше́ния / и изба́ви мя от вся́каго
гне́ва Твоего́ святѣ́теля Петра́ моле́нием, / яко да
непреста́нно Тя велича́ю.

Приидите, соберитесь, вси москóвстии нарóди, / к блаженнаго святителя Петра грóбу / и со слезáми возопийте к Бóгу: / избáви, Гóсподи, от бед люди Твоя, глаголюще, / да Тя велича́ем во ве́ки.

Вельми́ радуется о тебѣ, пречестный́ óтче святителю Пётре, / sóбственный град твой Москвá, / помóщника и заступника имѣя тя, / и ны́не, влады́ко, не отходи́ дýхом от нас, / моли́тву творя́ за ны к Бóгу, / я́ко да избáвит ны от насíлия безбо́жных агáрян, врагóв на́ших, / да ты всегда́ велича́ем.

Богорóдичен: Мари́е, Пречи́стая Влады́чице, / осквернённое сёрдце моё и дýшу мольба́ми Твоими́ очисти / и жи́зни вѣчныя наслѣдника мя, Госпоже́, сотвори́, / не помина́ющи мо́их безчи́сленных зол, / Сы́на Твоего́ и Бóга умоли́ за мя, ока́яннаго, / и певцы́ Твоя́ сохрани́, Всесвята́я.

Ин

Ирмо́с: Та́инство стра́нное ви́жу и пресла́вное: / Не́бо — верте́п; престóл Херувíмский — Де́ву, / я́сли — вме́стилище, / в ни́хже возлеже́ / Невмести́мый — Христóс Бог, / Егóже, воспева́юще, велича́ем.

Сла́ву твою́ воспѣти по досто́инству невозмо́жно, / чуде́са бо премно́га и исцелѣ́ния безчи́сленная обильно пода́еши / с тёплой ве́рою приходя́щим к тебѣ, Пётре святителю, / похвало́ земли́ на́шей.

Положи́ тебѣ Цѣркве Свое́й основáние Христóс, / и столпа́ крѣпка и непозы́бленна во век, / соблюда́ющая и подтвржда́ющая град твой пребы́ти непоколеб́им до конца́ / и от врагóв ненавѣтуем.

Святители́е ўбо, священни́цы и мона́си, и вси лю́дие, / му́жие и жёны, ста́рцы со младе́нцы, / и всяк во́зраст, и всякое досто́инство, / святителя́ на́шего свѣтло па́мять да прáзднуем.

Богорóдичен: Притеце́м чýдо превели́кое ви́дети, / Де́ва бо грядёт, Младѣ́нца нося́щи во утробѣ, младе́нцы оживля́ющаго; / па́стырие со Ангелы́ общую песнь воспева́ют, / в пещѣ́ре спасѣ́ние возвеща́юще.

Катава́сия: Та́инство стра́нное:

Светілен предпразднства.

Подобен: Посетил ны есть:

Предпразднственныя, вѣрнии, Рождества пѣсни приидіте, принесемъ вси:/ грядетъ уже Христосъ в Вифлеѣмъ родитися,/ спасти вселенную, яко Единъ Человеколюбецъ.

Слава, святаго.

Подобен: Жены, услышите:

Дух Святый святителя тя помаза, Пётре преблаженне,/ Христову паству паствити на пажитехъ спасительныхъ./ Темъ и потщался еси наставляти люди правыми стезями:/ того ради ныне сугубыя венцы отъ Венцедавца приѣл еси.

И ныне:

Готовися, Вифлеѣме, украси домы : вой:/ къ тебѣ бо грядетъ Дѣва, Младенца носящи Христа, Отцу Собезначальнаго;/ прииде бо да спасетъ родъ человеческий.

На хвалѣтехъ стихіры, на 8. Предпразднства 4, гласъ 6.

Подобен: Ангельския:

Содѣтельная ныне предгрядетъ Премудрость,/ пророчестии отверзаются облацы,/ благодать процветаетъ,/ истина возсия,/ престають гадания сеновная,/ Едемова отверзется дверь,/ Адаме, ликуй:/ Создатель, Богъ нашъ,/ волею создася.

Реченія исполняя пророческая и видѣнія,/ раждается плотию/ и одевается Слово/ и въ яслехъ безсловесныхъ, рождся, возлегаетъ./ Сіе крайнее схождение,/ сіе страшное смотрѣніе,/ егѣже ради поемъ:/ Царь Израилевъ,/ Христосъ приходитъ.

Се Чистая паче ума и слова/ раждаетъ Сына Божія,/ Егѣже пророцы проповѣдаша древле,/ провидяще Духомъ Святымъ,/ нескверну Тя сохраняюща/ и разрешающаго Адама отъ грѣха./ Людіе, рцемъ:/ Царь нашъ Христосъ/ плотию приходитъ.

Недръ Отеческихъ не отступль,/ Человекъ явился еси/ и, Девическими держимъ руками,/ волхвы отъ Персиды звездою призвалъ еси,/ Царю Тебѣ и Богу

покланяющияся; / Духом устен нечествующия князи языческия погубиши / и упасеши люди осуществённые.

Ины стихиры святаго Петра, глас 8.

Подобен: О, преславнаго чудесе:

Преподобне отче Пётре, / ты ещё во утробе матери / святительства прозвание приял еси, / наречённое от Бога. / Ты измлада Христа возлюбил еси, / приём от Него паству словесных овец, / добре пасл еси Церковь Божию. / Тем твоё празднуем успение / и, радуящися, Христа величаем.

Стих: Уста моя возглаголют премудрость, / и поучение сердца моего разум.

Преподобне святителю Пётре, / испроси к Богу молитвами твоими Церкви утверждение, / архиерею паствы попечение и управление, / стране победу на агаряны и на вся враги одоление, / неподвижимо и непоборимо пребывание града твоего / и верным людем грехов оставление, / всем, притекающим к раце мощей твоих, / за ны, святителю, моляся.

Стих: Уста праведнаго поучатся премудрости, / и язык его возглаголет суд.

Преподобне отче Богомудре, / ты истинно явился еси, / прельщённая сердца наставляя на путь истинный. / Ты был еси убогих и вдов защитник, / вельмож твёрдое наказание, / и всем верным, / притекающим ко Пречистой Божии Матери, / испроси, святе, грехов оставление.

Слава, глас 6:

Всяк град и страна, / славному граду нашему Москве, радуйтесь, спразднующе днесь: / дивный бо врач и спаситель наш великий Петр / Небеснаго врачевства лечбы предлагает нам, / к безмездным лечбам своим вся любезно созва, / не хитростью человеческими, ни обвязаньи, / но действием Святаго Духа / душевное и телесное исцеление преестественное подавая, / еже приемлюще обильне, / род всяк и возраст, славим Христа Бога, / подающего ради угодника Своего / того воспевающим велию милость.

И ныне, глас тойже:

Волхвѣ Валаама проречѣния исполнѣние приѣмлют:/ пѣрскими бо знѣмении обліяни бѣвше,/ звезды необычныя сіяніем,/ незаходимаго Сѣлнца Христѣ, осіяни бѣвше,/ в Вифлѣеме воплощеннаго Бѣга Царѣ/ и вѣльнаго мертвецѣ дармѣ назнѣменуют.

Славословіе великое. По трисвятом тропарь святаго. Слава, и ныне, предпразднства. Ектеній, и отпу́ст, и час 1. На часех тропарь предпразднства и святаго. По трисвятом кондак предпразднства и святаго глаголем, пременяюще.

НА ЛИТУРГИИ

Блаженны, от канона предпразднства, песнь 3-я и святаго песнь 6-я. По входе тропарь предпразднства и святаго. Слава, кондак святаго. И ныне, предпразднства. Прокимен, глас 1: Уста́ мой возглаго́лют премудро́сть,/ и поучѣніе сѣрдца моего́ рѣзум. Стих: Услы́шите сія, вси язы́цы: Апостол ко Евреем, зачало 318. Аллилу́я, глас 2: Уста́ прѣведнаго поучѣтсѣ премудро́сти,/ и язы́къ его́ возглаго́лет суд. Стих: Зако́н Бѣга его́: Евангеліе от Луки, зачало 24. Причастен: В па́мѣть вѣчную:

зри Подобаѣтъ ведати: аще случитсѣ па́мѣть свѣтитѣля Петра Митрополита в недѣлю пред Рождеством Христовым свѣтых отецъ:

На малой вечерни на Господи, воззвах: стихиры воскресны на 4. Слава, Петру, глас 6, самогласен: Божественная благодать: И ныне, предпразднства, глас тойже: Пойте Господеви: На стиховне стихира воскресна едина и святаго стиховна великия вечерни, со стихи ея. Слава, святаго, глас 8: Приидите, вси вернии: писана на велицей вечерни, на стиховне. И ныне, предпразднства, глас тойже: Восприими, Вифлѣеме, Божию митрополию: По трисвятом тропарь воскресен и отцев. Слава, святаго. И ныне, предпразднства. Таже ектенія малая и отпу́ст.

На велицей вечерни на Господи, воззвах: стихиры воскресны 3, и отцев 3. Подобен: Все отложше: Стих 1: Явися мира концем: Стих 2: Славою украшаются: Стих 3: Облїста́ весело: И Петру со славным 4, глас 2, подобен: Киими похвальными: Слава, отцев, глас 6: Даниил, муж желаний: И ныне, предпразднства, глас тойже: Вертепе, благоукра́сїя: Таже вход. Прокимен дне. И чтенія отцев 3 и святаго 3. На литїи стихиры предпразднства, отеческія недѣли рядовыя, глас 6, подобен: Все отложше: Стих 1: Незаходимое солнце: И святаго самогласны. И отцев глас 1: Лучами облїставшесѣ: Слава, отцев, глас 3: Праотецъ

собор: **И ныне, предпразднства, глас тойже: Благоукра́сия, Вифле́еме: На стиховне стихиры воскресны. Слава, отцев, глас 2: Радуйтесь, пророцы: И ныне, предпразднства, глас тойже: Се время приближися: На благословении хлебов тропарь, Богородице Дево: единожды, и отцев тропарь единожды, и святого тропарь единожды. И чтение.**

На утрени, на Бог Господь: тропарь воскресен единожды и отцев, единожды, Слава, святого. И ныне, предпразднства. По кафизмах седальны воскресны и Богородичны их. И чтение во Евангелии толковом: Книга родства Иисуса Христа: Полиелей и тропари, Ангельский собор: и седальны святого вси по еди́нощи. Слава, и ныне, предпразднства и чтение. Степенна гласа. Прокимен и Всякое дыхание: Евангелие воскресно. И Воскресение Христово: По 50-м псалме стихира воскресна. Канон воскресен со ирмосом на 4, и Петру на 4, и отцев на 6. Катавасия: Христос раждается: По 3-й песни кондак святому и икос. Ипако́й отцев и седален святого дважды. Слава, и ныне, предпразднства. По 6-й песни кондак отцев, и икос, и чтение. На 9-й песни поем Честнейшую: Светилен воскресен и отцев. Слава, святого. И ныне, предпразднства. На хвалитех стихиры воскресны 3, и отцев 2, и святого со славным 3, со стихи его. Или́ оставляются стихиры воскресны, и поем отцев на 4 и святого на 4. Слава, отцев. И ныне, Богородичен: Преблагословенна еси, Богородице: Славословие великое. Тропарь воскресен то́чию, и екте́нии, и отпуст. Посем, Слава, и ныне, стихира Евангельская и час 1, и конечный отпуст. На 1-м часе тропарь воскресен. Слава, отцев. И ныне, Богородичен часов. По трисвятом, кондак отцев. На 3-м часе тропарь воскресен. Слава, святого. И ныне, Богородичен часов. По трисвятом кондак святого. На прочих же часах тропари и кондаки отцев и святого, пременяюще, глаголем; воскресен же тропарь на всех часах глаголем в начале непременно.

На Литургии: Блаженны гласа 4, и отцев, песнь 3-я на 4, и святого песнь 6-я на 4. По входе тропарь воскресен, и отцев, и предпразднства, и святого. Также кондак отцев. Слава, святого. И ныне, предпразднства. Прокимен, Апостол, аллилуия и Евангелие отцев и святого. Причастен: Хвалите: Другий: Радуйтесь, праведнии:

Митрополит Петр, святитель Московский, родился около 1260 года на Волыни в благочестивой боярской семье Феодора и Евпраксии. Матери его в сонном видении перед рождением было открыто, что сын ее обретет особую благодать Божию.

Семи лет отрока Петра отдали в учение, однако грамота не давалась

ему. Родители скорбели об этом и молились Богу. Вняв их молитвам, Господь чудесно просветил ум Своего избранника. В скором времени отрок обнаружил такие дарования, что превзошел в знании Священного Писания всех своих сверстников.

Двенадцати лет святой Петр удался в близлежащий монастырь, где



несколько лет подвизался в иноческом житии по правилам преподобного Иоанна Лествичника (VI в.; память 30 марта). Он проявил полное послушание своему наставнику, ревностно служа братии. Смиранный и молчаливый, будущий святитель удостоился диаконского, а потом и пресвитерского сана. Блаженный Петр с молитвенным благоговением и большим искусством писал святые иконы для братии и мирян. В Успенском соборе Московского Кремля сохранились прославленные образы святителя Петра — икона Успения Божией Матери и икона Пресвятой Богородицы, именуемая Петровской, по имени святого иконописца.

По благословению своего духовного наставника святой Петр удалился в пустынное место на берегу реки Раты (приток Буга), где построил келлию и храм в честь Преображения Господня. Вскоре здесь возник монастырь.

Многие иноки собрались под духовное руководство Ратского игумена, с кротостью и любовью назидавшего братию. Святой Петр неустанно помогал бедным, всегда принимал их в своей обители, в любое время года и суток.

Слава о дивных подвигах и добродетелях игумена Ратского распространилась по Галицко-Волынской области. Монастырь нередко посещал Галицкий князь Юрий Львович. Был там и Всероссийский Митрополит Максим (1283—1305; память 6 декабря), благословивший святого Петра, от которого принял дар — написанный им образ Успения Пресвятой Богородицы. По преставлении Митрополита Максима (1305) игумен Геронтий заявил притязания на сан митрополита. Он отправился в Константинополь за патриаршим благословением. Многие были недовольны самочинным поступком игумена Геронтия, в том числе и князь Галицкий Юрий Львович (1301—1316). Игумен Геронтий убедил святого Петра также ехать в Константинополь, сам же тайно от него направил грамоту Вселенскому Патриарху, в которой просил о поставлении святого Петра митрополитом Галицким. На пути в Константинополь игумену Геронтию явилась во сне Божия Матерь, открывшая ему, что святителем Московским будет святой Петр, написавший Ее образ. Устрашенный этим знамением, игумен Геронтий отказался от своих притязаний.

Святой Петр прибыл в Константинополь в 1308 году. Он явился к Патриарху Афанасию (1289—1293, 1303—1311; память 24 октября), который принял его с любовью, как посланника Божия. Патриарх немедленно созвал Собор, избравший святого Петра Митрополитом не только Галицким, но и всей земли Русской, с титулом Митрополита Киевского и всея Руси. Из Константинополя святитель Петр возвратился в Киев — столицу Русской Митрополии, однако оставался там недолго (город был в развалинах, разрушенный татарами). В 1309 году святитель Петр переехал во Владимир и перенес туда Первосвятительскую кафедру. Святитель ревностно отдался трудам пастырства, неустанно посещая самые отдаленные области своей обширной Митрополии. У него, однако, обнаружился завистники, желавшие лишить его власти. Тверской епископ Андрей, происходивший из литовских князей, послал на святого митрополита донос Константинопольскому Патриарху Афанасию. Патриарх не

поверил наветам. Собор, созванный в Переславле-Залесском в 1310 или в начале 1311 года, оправдал святителя. Доносчик был посрамлен, но святитель Петр кротко простил его.

Митрополит Петр правил Русской Церковью в период монгольского владычества и княжеских усобиц. Ему приходилось ездить в Орду, чтобы умиловать грозного хана, примирять враждовавших князей и предотвращать братоубийственные распри.

Святой Митрополит утверждал на Руси Православную веру, ниспровергая ереси, подвергая церковному прещению еретиков. Для духовного назидания своей паствы святой Петр многократно писал послания. В одном из сохранившихся посланий святитель призывал священников уподобиться истинному Пастырю — Христу: «Пастырь добрый душу свою полагает за овец» (Ин. 10, 11). Второе поучение обращено к духовенству и мирянам. Митрополит Петр учил ревностно исполнять заповеди Божии по словам Христа: «Кто имеет заповеди Мои и соблюдает их, тот любит Меня» (Ин. 14, 21).

Во время поездок по Митрополии святой Петр часто останавливался в Москве, где в то время княжил внук святого Александра Невского (†1263; память 23 ноября) Иоанн Данилович (Калита) (1325—1340). В беседе с ним святитель пророчески предрек великое будущее Москвы — стольного града земли Русской.

В 1325 году из Владимира в Москву была перенесена Митрополичья кафедра.

Незадолго до своей блаженной кончины святитель Петр советовал князю Иоанну построить в Москве каменный храм в честь Успения

Пресвятой Богородицы. 4 августа 1326 года святой Петр совершил закладку храма, знаменитого впоследствии Успенского собора в Кремле. Ему, однако, не суждено было дожидаться завершения строительства...

Блаженная кончина святителя Петра последовала в ночь с 20 на 21 декабря 1326 года во время вечерней службы. Торжественное погребение Митрополита Петра было ознаменовано чудесами. Впоследствии его святые мощи, почивающие в Успенском соборе, прославились многими исцелениями.

В 1339 году при преемнике святителя Петра, Митрополите Феогносте, по благословению Патриарха Константинопольского Иоанна XIV (1333—1347), Митрополит Петр был причислен к лику святых. С тех пор ни одно значительное государственное событие в истории России не обходилось без молитвы у гроба святителя Петра. Святитель призывался в свидетели при составлении государственных договоров. У раки святого целовали крест на верность великому князю Московскому. При гробе его нарекались и избирались русские Первосвятители.

В связи с перестройкой Успенского собора в 1472 и 1479 годах дважды совершилось перенесение мощей святителя Петра, в память чего установлено празднование на 24 августа. Память его совершается также 5 октября вместе с собором Московских святителей. Святые мощи Митрополита Петра находятся в Успенском соборе между северным предалтарем главного престола и приделом святых апостолов Петра и Павла.

Святитель Петр почитается как Небесный покровитель Москвы и всей земли Русской.



Святѣя мѹченицы Иулианѣи, ѣже в Никомидѣи.

На Гóсподи, воззвах: **стихѣры предпрáзднства,**
глас 4.

Подóбен: Дал есѣ знáмение:

Сей Бог наш, / не вменѣтся ин к Немѹ, / восклицáше прорóк Дѹхом, / и путь изобрéте всѣаго худóжества. / По сих же челове́ком уподóбится, в плоть облéлся: / от Дéвы бо Богоотрокови́цы родѣтся грядéт, / присту́пен мне быв, / Иже естество́м непресту́пный.

Стог гумéнный / Твое́ чрэво, Всенепорóчная Богорóдице, показѹется, / клас невоздéланный / пáче умá и слóва нося́що неизречéнно. / Егóже в вертéпе Вифле́емстем родѣши, / тварь всю Божéственными рáзумы / хотя́щаго пита́ти благода́тию / и от гла́да челове́чество / душетлénнаго избáвити.

Юница непорóчная, / упита́нного Юнцá нося́щи во чрэве, / грядéт во святѣй вертéп / преслáвным слóвом Сего́ породѣти, / и пелена́ми повѣти, ѣко Чело́века, / и положи́ти в ѣслех, ѣко Младéнца. / Тварь, предпрáзднствуй, / рáдостно велича́ючи, / такова́я преслáвная на землѣ соде́лавшаго.

И святѣя, глас то́йже.

Подóбен: Я́ко до́бля:

Багрéнии крóвными / спасéния одéжду себé, всехвáльная, обагрѣвши / и просветѣвши́ся Дѹхом, / Гóсподу обручи́лася есѣ, Безсмéртному Царю́, / соблюда́ющему тя непорóчну, / не растлénну во век вéка / в черто́зах Небéсных, / ѣко дéву преудóбренну и нетлénну.

Ра́нам приобщѣвши́ся, / и со огнём бравши́ся, / и плóти терзáния претерпéвши, / и коно́бная врéния до́блественне понéсши, / не победи́лася есѣ по́мыслом, / истукáнным не пожёрла есѣ, / но, преклóнши Бо́гу вѣ́по, / мéчным мучéнием венценóсица / на Небеса́ возшла́ есѣ.

Ка́плями крóве уясни́вши́ся, / возсия́ла есѣ про́явлéнно, ѣко со́лнце, / и отгна́ла есѣ, всехвáльная, /

безбо́жия тьму благода́тию, / мученице Иулиание, /
и ве́рныя просвети́ла еси́, / чту́щая тво́я до́бле-
ственныя по́двиги / и па́мять све́тлую, и
светоно́сную, / и по все́му спаси́тельную.

Сла́ва, и ны́не, предпра́зднства, глас 6:

**Сио́не, торже́ству́й, / Иерусали́ме, весели́ся, / гра́-
де Христа́ Бо́га, / поды́ми Зижди́теля, в верте́пе
и я́слех вмести́аемаго. / Отве́рзите ми врата́ / и, вшед
в ня, узрю́ / я́ко Младенца́, пелена́ми повива́ема-
го, / длáнию же содержи́ающаго тварь, / Егóже пою́т
Ангели непреста́нным гла́сом, / Жизнода́вца Го́с-
пода, / спаса́ющаго род наш.**

На стихо́вне стихи́ры предпра́зднства, глас 2.

Подобен: Дóме Евфра́фов:

**Всех проро́ков / прорече́ния исполняются: / Хри-
сто́с бо ражда́ется / в Вифле́еме гра́де / из Чи́стыя
Богоотрокови́цы.**

**Стих: Бог от ю́га приидет / и Святы́й из горы́
приосене́нныя ча́щи.**

**Сла́ва земноро́дных, / и ра́дование, и хвала́, /
Вифле́еме честны́й, / митропо́лия Божество́нная, /
поды́ми Зижди́теля твоего́.**

**Стих: Го́споди, услы́шах слух Твой и убо́яхся, /
Го́споди, разуме́х дела́ Твоя́ и ужасо́хся.**

**Сло́во Отче́е, / Имже вся бы́ша, / безстра́стно и
нетече́но, / Ипоста́сь зрится еди́на / во дво́ю есте-
ству́.**

Сла́ва, и ны́не, глас 6. Византи́ево:

**Безневéстная Дéво, / отку́ду пришлá еси́? Кто
роди́вый Тя, / кто и ма́ти Тво́я? / Ка́ко Зижди́теля
но́сиши на руку́? / Ка́ко не растли́лася еси́ утро́-
бою? / О, вели́ких пресла́вных на Тебе́ стра́шных
та́инств, / на земли́ соверша́емых, зрим, Всесвя-
та́я! / и предъу́готовля́ем досто́йный Тебе́ долг, на
земли́ верте́п, / и от небéс про́сим пода́ти звезду́. / И
волсви́ же прихóдят от восто́ков земли́ к запа́дом /
ви́дети челове́ческое Спасе́ние, / в я́слех пелена́ми
повива́емое.**

Тропарь святѣя, глас 4:

Агница Твоя, Иисусе, Иулианія / зовѣт вѣлиим гласом: / Тебѣ, Женише мой, люблю, / и, Тебѣ ищущи, страдальчеству, / и сраспинаюся, и спогребаяюся крещенію Твоему, / и стражду Тебѣ ради, / яко да царствую в Тебѣ, / и умираю за Тя, да и живу с Тобою, / но, яко жертву непорочную, приими мя, с любовію пожержуюся Тебѣ. / Той молитвами, / яко милостив, спаси души наша.

Слава, и ныне, глас тойже:

Готовися, Вифлеѣме, / отвѣрзися всем, Едеме, / красуйся, Евфрафо, / яко Древо живота в вертепе процветѣ от Дѣвы: / рай бо Оная чрево явися мысленный, / в немже Божественный сад, / от негоже ядше, живи будем, / не якоже Адам умрем. / Христос раждается прежде падший возставити образ.

зри Вѣдомо буди, идеже празднуется святаго Петра митрополита праздник, поем канон святѣя Иулианіи на повечерии, вкупе с трипеснцем и последіи стихиры ея.



НА ПОВЕЧЕРИИ

Трипеснец, глас 2, ирмос по дважды, тропари на 6, и паки последіи ирмос оба лика вкупе, егоже краегранесие: Четвертому пою:

Песнь 3

Ирмос: На камени мя вѣры утвердив, / разширил еси уста моя на враги моя, / возвеселибоя дух мой, внегда пѣти: / несть свят, якоже Бог наш, / и несть праведен, паче Тебѣ, Господи.

Вотще сонмище Ёродово и волею собирается, скверноубийственное, / раждающагося Господа убити Христа, / Емуже поем: / Ты еси Бог наш, и несть праведен, паче Тебѣ, Господи.

Лю́тый совет Ёродов покрывáется, / богобо́рныя ду́шй сый, со младе́нцы Влады́ку уби́ти Христа́, / Емуже поём: / Ты еси Бог наш, и несть пра́веден, па́че Тебе́, Го́споди.

Песнь 8

Ирмо́с: Глаго́л мучи́телей понéже превозмо́же, / седмери́цею пещь разжже́на бысть иногда́, / в нейже о́троцы не опали́шася, / царёво попра́вше велéние, / но вопи́яху: вся дела́ Го́сподня, Го́спода по́йте / и превозно́сите во вся ве́ки.

Излива́юще я́ко ми́ра слéзы нас ра́ди Христу́, ражда́ющемуся плóтию, / ймиже сквёрны очы́стим, Пречи́стому чы́сте приходя́ще и вопи́юще: / вся дела́ Го́сподня, Го́спода по́йте / и превозно́сите во вся ве́ки.

Слезáми уми́ления слез да убежи́м, грéшнии, му́ки бу́дущия стра́шныя, / Христóвы стопы́ приё́мше, полага́ему в пелена́х я́ко Младенцу́, вопи́юще: / вся дела́ Го́сподня, Го́спода по́йте / и превозно́сите во вся ве́ки.

Священноде́йствоватися избавлénию ве́дюще от своих утроб́ же и слез исто́чника, / Христу́ испове́данием предъизмы́вшеся, ве́рнии, / да присту́пим плóтию к Ро́ждшемуся в верте́пе, вопи́юще: / вся дела́ Го́сподня, Го́спода по́йте / и превозно́сите во вся ве́ки.

Песнь 9

Ирмо́с: Душа́ми чы́стыми и несквёрными устна́ми, / приидите, возвели́чим Несквёрную и Пречи́стую Ма́терь Емману́илеву, / Ёюже из Нея́ к Ро́ждённому принося́ще моли́тву: / пощади́ ду́ши на́ша, Христé Бо́же, и спаси́ нас.

Неразу́мен никто́же, ни лука́в, завистнообра́зник да бу́дет, / от принося́щих ны́не да́ры Бо́гу приятны́, / вме́сто сми́рны, и зláта, и ливána добродéтелей мироухáние, / пою́щих Христу́ ражда́ющемуся: / пощади́ ду́ши на́ша, Христé Бо́же, и спаси́ нас.

Глаго́лаше ко прише́дшим Ёрод волхво́м му́дым: / шéдше, поищите́ ро́ждшагося ны́не Царя́ и,

обрётше, возвестите мне,/ поучився лю́тый о
убийстве скверноубийственным се́рдцем./ Поща-
ди́ ду́ши на́ша, Христé Бóже, и спаси́ нас.

О, слепóтнаго скверноубийства, вседёрзостне!/
И́мже забвénие получи́л еси́, я́ко Бóга никто́же емь
рука́ми убиёт;/ преразжéгся же я́ростию, свирéпо
младéнцы закала́еши, Ироде./ Пощади́ ду́ши на́-
ша, Христé Бóже, и спаси́ нас.



НА УТРЕНИ

По 1-й кафízме седален предпразднства, глас 2.

Подóбен: Благообразный:

Непристúпный Бог, за благоутрóбие пристúпен
мне быв,/ во́лею приходит плóтию родítися, я́ко
Человéк,/ во гра́де Вифлеéме из Дéвы Отрокови-
цы./ Егóже прияти усéрдно потщímся, вопи́юще
со стра́хом:/ Гóсподи, сла́ва Тебé.

Сла́ва, и ны́не, глас 1.

Подóбен: Гроб Твой:

Приклонíвый Небеса́ и в Деву всели́выйся,/
предгрядёт плóтию в Вифлеéмстем вертéпе родi-
тися,/ я́коже пи́шется, явítися же Младéнец,/
младéнцы оживля́яй во утрóбе./ Сего́, ра́дующеся,
ны́не сря́щим вси се́рдца правостию.

По 2-й кафízме седален, глас 5.

Подóбен: Собезначáльное:

Вифлеéме, гото́вися на срётение Дéвы Мари́и и
Богома́тере:/ се бо грядёт к тебе́, Младéнца
нося́щи Христа́,/ Собезначáльнаго Отцу́ и Дúху
присно,/ Егóже в вертéпе роди́т / и по Рождестве́
Дéва па́ки явítся.

Сла́ва, и ны́не, глас 3.

Подóбен: Красотé:

Чúдо пресла́вно зрится днесь:/ Спаси́тель бо
наш в вертéпе плóтию от Дéвы нас ра́ди родítися
ны́не тщíтся./ Волсви́ же с да́ры я́ко Царю́
поклóняются,/ и па́стырие со А́нгелы славосло́вят
Его́;/ с ни́мже и мы вопи́ем:/ сла́ва нас ра́ди
Вочеловéчшемуся.

Канонъ предпразднства со ирмосомъ на 8, гласъ 4, и святѣя на 4. Канонъ предпразднства, егѣже краегранесіе, по алфавиту. Иѣсиф.

Песнь 1

Ирмосъ: *Тристаты крѣпкія, / рождѣйся отъ Дѣвы, / безстрастія во глубинѣ / душѣ тричастное потопѣ, / молюся: / да Тебѣ, яко въ тимпанѣ, / во умерщвленіи телесѣ / побѣдное воспѣю пѣніе.*

Радуйся, нѣбо, и землѣ, веселися: / Богъ бо нашъ, бывъ плотию отъ Дѣвы Отроковицы, раждается и пеленами повивается, / пленницы же разрешаетъ моихъ прегрешеній, яко благоутробенъ.

Царица Чистая Царя всехъ раждаетъ паче ума, / вышнее вѣрнымъ Царство отверзающаго / и ѣже въ насъ окаянно царствующій всегда грѣхъ / конечно отъемлющаго.

Писанія пророческая конецъ приѣмлютъ: / се бо, Егѣже провозвестиша Христа, / во градѣ Вифлѣемѣ является воплощаемъ. / Сего нынѣ предпраздновати Рождество потщимся правостию мысли днесь.

Иъ канонъ святѣя, гласъ тойже, егѣже краегранесіе: Пѣти тя, мученице, да приложитъ Богъ благодать. **Иѣсиф.**

Песнь 1

Ирмосъ: *Моря чермную пучину / невлажными стопами / древній пешествовавъ Израиль, / крестообразными Моисеевыми руками / Амалікову силу въ пустыни побѣдилъ есть.*

Мученическою яже свѣтлостію облистайущи, о Бѣзе ликующи, / священно обожаема, всехвальная, / и просвѣщеніе молитвами твоими подаваеши поющимъ тя.

Уязвилася еси сладчайшимъ раченіемъ Христовымъ, всехвальная, / и, плотскія оставльши сласти и обручника тлѣннаго, / обручилася еси, непорочная чистая дѣво, Сотворшему.

Осиявъ светлоявленными добротами твою мысль, / Создатель всехъ и Богъ Небесныхъ ты чертоговъ, дѣвственно ликующую, / мученице Богомудрая, удостѣи.

Богорóдичен: Дéва Создáтеля естества родити идет в вертепе,/ плоть из Нея по ипостáси несказáнно преестественне понéсшаго,/ я́ко да обожит челове́чество.

Песнь 3

Ирмós: Я́ко непло́ды роди́ от язы́к Цéрковь,/ и мно́гое в ча́дех изнемо́же со́нмище,/ чу́дному Бо́гу на́шему возопи́м:/ Свят еси́, Го́споди.

Дани́ил Тя, от горы́ дéвственныя ка́мень, Сло́ве, отсéчен зрит/ и истнева́ющь хра́мы идо́льския держа́вою Твое́ю;/ сего́ ра́ди Тя стра́хом сла́вим.

От восто́ка волсви́ Тебе́, Царю́ всех,/ наста́влени б́ывше звездо́ю, да́ры прино́сят, Христé,/ смíрну, зла́то и ливáн, уди́вльшеся Твоемú снисхожде́нию.

Живонóсный клас н́ива неора́нная но́сит,/ роди́ти во гра́де Вифле́еме Мариáм/ всех ду́ши пита́ющаго, зову́щих:/ Свят еси́, Го́споди.

Ин

Ирмós: Веселíтся о Тебе́ Цéрковь Твоя́, Христé, зову́щи:/ Ты моя́ кре́пость, Го́споди,/ и прибéжище, и утвержде́ние.

Соверши́ла еси́ ду́шу храм Бо́жий пресвя́т, сла́вная,/ Божéственным хра́мом вы́ну пéснями и моли́твами присе́дящи.

Велича́йших улучи́ти жела́ющи дарова́ний, всечестна́я,/ болéзни плотсќия терпéла еси́ я́ко в чуждém телеси́.

Кровей тво́их ка́плями безбо́жия огонь погаси́ла еси́/ и вер́ных напои́ла еси́, Иулиáние, ра́зумы.

Богорóдичен: Избавля́яй челове́ки Изба́витель/ от Ч́истыя ражда́ется в Вифле́еме,/ пелены́ я́коже Младéнец приéм.

Конда́к святы́я, глас 3.

Подóбен: Дéва днесь:

Дéвства добрóтами преочи́щена, деви́це,/ и мучéния венцы́, Иулиáние, ны́не венча́вшись,/ даéши сущим в ну́ждах и недúзех исцелéние и спасéние,/ приступа́ющим к ра́це твое́й:/ Божéственную бо благода́ть Христós источáет и жизнь вéчную.

Седáлен, глас 4.**Подóбен:** Скорó предвари:

Женихá возлюбíвши Творцá и Бóга, / женихá тлénнаго остáвила есí, мýченице честнáя, / и, рáдующися, претерпéла есí мýки и терзáния и óгненное томлénие. / Тémже, венценóсица, к Божé-ственному чертóгу возшлá есí, / испрошáющи всем прегрешénий прощénие.

Слáва, и ны́не, предпразднства, глас 3.**Подóбен:** Красотé дéвства:

Рáдости испóлнитеся, вся концý: / Богорóдица бо родíти приближáется Царя вся́ческих. / О, чудесé неизречénнаго! / Безначáльный начинáется, и Безплóтный воплощáется; / вертép приéмлет содержáщего вся́ческая. / Вифлеéме, рáдуйся, и ликúй, тварь, день предпразднственный.

Песнь 4

Ирмós: Седя́й в Слáве на Престо́ле Божества́ / во облаце лéгце, / при́иде Иисýс Пребожéственный / Нетлénною Длáнию и спасé зовúщия: / слáва, Христé, síле Твоéй.

Святáя мирополо́жница честнáго свящénия / в Вифлеéме гра́де сиé излй́ти прихóдит, / свящénие нам всем подаю́щего, вопи́ющим: / слáва, Христé, síле Твоéй.

Богóглаго́лив Исáие, / честнáя тво́я проповéдания б́вшая вíдя вещмí, рáдуйся и ликúй: / Дéва бо безсéменно родí в вертéпе плóтию Вифлеéм-стем Невместíмага.

Иисýс плóтию ражда́ется, / и в лéте безлётный вíдимь естъ Младéнец, / разрешáя мо́я лётная прегрешénия, / и неизречénною нищетóю ны́не обогащáет мя, / обнищáвшего тлетворными преступлénными.

Ин

Ирмós: Вознесéна Тя вíдевши Цérковь на Крестé, / Сóлнце Прáведное, / ста в чíне своём, / достóйно взывáющи: / слáва síле Твоéй, Гóсподи.

Простёрту мысль стяжавши ко всех Господу, / плотию простёрта и ураняема люто, никакоже брегла еси, / **Иулиание**, добрая дево.

Превозмогóша рачения Владычня плоти, всехвальная мученице, омрачити, / темже пренебрегла еси и богатство, и обручника, / и многообразныя муки.

Тя, нескверную агницу, якоже волцы, мучителие терзающе, мученице, ранами, / непорочное целое Божие совершивша Божественное овча и заколение.

Богородичен: Девство по Рождестве запечатано, Богородице, видящи, / ужасом одержима бывши. / Чáдо, взывáше, како ныне повию Тя, / песком повивающаго море?

Песнь 5

Ирмос: Нечестивии не узрят славы Твоея, Христé, / но мы Тя, Единородне, / Отческие славы сияние Божества, / от нощи утренююще, / воспеваем Тя, Человеколюбче.

От Девы раждается Бог Еммануил и, в яслех возлég, / наше воззвáние волею соделовает, / Сего Рождество благочестно предпразднуим.

Слово сый Пребезначальное Отчее и соестественное, / в яслех возлég безсловесных, / разрешил еси безсловесия ны, / предпразднствующия благочестно Твое Рождество.

Блажен бысть корень Иессеев, / прозябый Чистую, цвет Божественный, носящую Христа Господа. / Егóже предпразднуим Рождество, радуящися.

Ин

Ирмос: Ты, Господи, мой Свет, / в мир пришёл еси, / Свет Святый, обраща́й из мрачна неведения / véрою воспева́ющия Тя.

Струю, мученице, злочестиваго безбожия изсушила еси / теченьми кровей, неправедно проливаемыми, / и огонь прелести погасила еси.

Всецелу тебе самую Богу принесла еси, / червленъ девства багрении кровей твоих светлейшу совершивши.

Твоею добротою дѹшу уязвивши, претечѣ, о Владыко, / дѣва видимыя доброты, страданіем сияюща.

Богородичен: Чѹдо новолѣпно: / Дѣва идет Пречистая в вертѣп Вифлеѣмскій родити Бѹга вочеловѣчшася.

Песнь 6

Ирмос: Приидѹх во глубины морскія, / и потопила мя есть бѹря многих грехѹв, / но, яко Бог, из глубины возведи живѹт мой, Многомѣлостиве.

Нов на землѣ нам Ѳтрочищ рѹждается, / Йже прѣжде веков от Отца неизреченно возсияв, / древняго вся свободи преступленія, яко благоутрѹбен.

Странна и преслѣвна слышана бѣша в Вифлеѣме граде / родившуся Тебѣ, Безначальне Слово: / пастырие бо со Ангелы песнь Тебѣ яко Владыце приношаху.

Звѣзда правды возвѣщает волхвѹм неизреченно Сѹлнца рѹдждшася: / Егѹже честное нынѣ предпразднум, радующеся, Рождество.

Ин

Ирмос: Пожру Ти со гласом хвалѣнія, Господи, / Церковь вопиѣт Ти, / от бесѹвскія крове очищися / ради мѣлости от ребр Твоих / истѣкшею Кровию.

Желаніем уязвлена бѣвши Божѣственным, зывала еси: / Христа идѹ достигнути краснаго добротою, / тѣмже мѹки терплю, неуклонным радующися разумом.

Протязати немѣлостивно и жѣзлием сокрушати Господню агницу лукавый гонитель повелеваше, / простѣрту ко Христу мысль имѹщую.

Утреневала еси ко Христу, Невечѣрнему Сѹлнцу, / и Того светлостью дѹшу, Богомѹдрая, и сердце озарила еси / и к Свету преложилася еси присносѹщному.

Богородичен: Море повѣвый мглою, / волею раждается Зиждитель из Дѣвы Отроковицы / и плененъ яко Младенец приѣмлет, мир избавляя.

Конда́к, глас 2.

Подобен: Вѣшнихъ ищѣ:

В Вифлеѣме зряще пеленѣми повиваемаго, / всю зѣмлю держаща рукою Своєю, / предпрѣзденныя пѣсни Рѣждшей Сего приносим: / матерски бо веселится, держащи в нѣдрах Сына Божия.

И́кос:

Сына Божия Дѣва держащи во объятиих, / матерскими облобызанными целующи, вещаше: / семене не познахъ в зачатии и тлѣния не подъях в рождѣнии, / нынѣ же чиста есмь, якоже прѣжде, купно и по Рождествѣ. / Тем Твое проповѣдую, Чѣдо, многое благоутрѣбие / и непостижимое величество, еже показѣ еси на Мене; / отонѣдуже и радуюся, держащи в нѣдрах Сына Божия.

Песнь 7

Ирмос: Юноши три в Вавилѣне, / велѣние мучителей на буйство преложше, / посреде пламене вопияху: / благословен еси, Господи, / Бже отецъ нашихъ.

Како Тя вертепъ вместитъ, грядуща нас ради родитися, Невместимаго? / Како Тя воздойт Дѣва, Питателя всехъ, / Благоутрѣбие Иисусе, суща.

Глаголомъ послѣдующе волхва Валаама, / волсви тщатся Христу поклонитися с дѣры, / разумеюще Сего, всякимъ дыханіемъ царствующа.

Неплодствующее человѣческое естество всякия добродѣтели, радуйся и ликуй: / грядетъ бо Христосъ от Дѣвы плотию родитися, / яко да покажетъ Тя добрымъ благочадно.

Ин

Ирмос: В пещи авраамстии отроцы персидстей, / любвию благочестия паче, / нежели пламенемъ, опаляеми, взываху: / благословен еси в храмѣ славы Твоея, Господи.

Безуміемъ в разжженный конѣб, мученице, судия ты вметаетъ немилостивно; / Ангеломъ же Ты Господь невредну спасе, Сего почитающе.

Не ужасающися мужемудренно, паче же, всечестная мученице, / ко огню грядеши, восхлаждение чувствующи и вопиющи: / благословен еси в храме славы Твоея, Господи.

Ты Жениху, якоже вено, принесла еси народ и люди, веровавшии в Того, / и лести омрачение светоносными твоими чудотворенными отразила еси.

Богородичен: Радуйся, село Невместимаго, Мати Девы: / Сего бо Плотносна хотящи нас ради в вертепе родити, Пречистая, / исправляющая Своих рук создание.

Песнь 8

Ирмос: Избавителю всех, Всесильне, / посреде пламене благочествовавши, / снизшед, оросил еси / и научил еси пети: / вся дела, благословите, пойте Господа.

Многими мя, Христэ, преступленьми разбойников бывшего вертеп, / за благоутробие неизреченное спасая, / родитися в вертепе от Девы Чистой избвлил еси.

Подписуя совершенное мне оставление, / написался еси кесаревым повелением Творец твари с рабы: / пою Твоего благоутробия безмерную, Владыко, пучину.

Светлая Владычня палато, / како возшла еси в малейший вертеп, / Царя Господа, нас ради воплощася, родити, / Всесвятая Девы Богоневесто?

Ин

Ирмос: Руце распротер, Даниил / львов зияния в рове затче; / огненную же силу угасиша, / добродетелию препоясавшися, / благочестиярачители отроцы, взывающе: / благословите, вся дела Господня, Господа.

Горе твоё око и ум к могущему спасти имущи Богу, / конобная врения благодатию Божественного Духа угасила еси, / воспевающи песнь отроческую, мученице, верою: / благословите, вся дела Господня, Господа.

Глаголу мучителя злочестиваго служаще, / огня достойнии суемудреннии / живу ты, мученице, во огонь вложиша; / но неопалена была еси огнём, /

Жениховою любóвию, Богоно́сная, ороша́ема, Сего́ почита́ющих.

Стояла еси́ пред суди́щем, / Христа́ пропове́да-
юще, Бо́га Безсме́ртнаго, претерпе́вшаго распя-
тие, / и прелесть умертвѣвшаго, и безсме́ртную
жизнь ве́рным подающаго, вопи́ющим: / вся дела́,
пойте Го́спода.

Богородичен: О́блаки восхожде́ние свое́ пола-
га́я, / Го́спо́дь о́блаком нам Де́вою роди́тися гря-
де́т, / я́ко да разори́т душ на́ших греха́ мра́чный
о́блак, вопи́ющих Ему́: / благослови́те, вся дела́
Го́сподня, Го́спода.

Песнь 9

Ирмо́с: **Е́**ва у́бо недуго́м преслуша́ния / кля́тву
всели́ла ест; / Ты же, Де́во Богороди́це, / прозябе́-
нием чревоноше́ния ми́рови Благослове́ние про-
цвела́ еси́. / Тем Тя вси велича́ем.

Лику́им, вси ве́рнии, / взыгра́им и согла́сно
воскли́кнем: / гряде́т всех Спасе́ние, приближа́ет-
ся роди́тися Го́спо́дь, спасти́ Его́ Рожде́ство
Богому́дренно прázднующих.

Псалти́рь, святы́й Дави́де, восприими́ и гу́сли и
песновоспо́й: / до́ме Евфра́фов, весели́ся: / Оте́ц
бо, из чрева́ Его́же роди́, в Тебе́ пресве́тло
ражда́ется, / от Де́вы воплоща́ясь.

Я́ко ту́ча, я́ко вели́кий дождь, во утробу́ Твою́
Влады́ка сніде, / и мра́чная безбо́жия земли́ оляде-
не́вшая напои́ / и преле́сти моря́ изсуши́, Богоро-
ди́тельнице Ма́ти Де́во.

Ин

Ирмо́с: **Ка́**мень нерукосе́чный / от несеко́мья
гору́, Тебе́, Де́во, / краеуго́льный отсе́чесь, / Хри-
сто́с, совокупи́вый разстоя́щаяся естества́. / Тем,
веселя́щися, Тя, Богороди́це, велича́ем.

Иулиа́нии Богоно́сных су́щим о ве́ре подвиго́м
А́нгели удиви́шася: / ка́ко же́нским естество́м по-
срами́ тоя́ прамате́рь в рай умори́вшаго.

Я́ко преудобренна́я страстоно́сица и преизря́д-
ная де́ва, / вене́ц восприя́ла еси́ зако́нно пра́вды,
попра́вши с плóтию безплóтнаго / и победоно́сица
бывши.

Тя, разумную ластовицу, и нерастленную горлицу, и голубицу, / свидетельством позлащенна имущу крила, / и к Богу полетевшую, и почившую, почитаем.

Процвела еси во удолах мученических, яко крин, страстоносице Иулиание, / и, яко шипок благовонен, девством была еси, / и красному Жениху твоему Божественное обоняние бывши.

Богородичен: Носящи носящего вся, к Вифлеему грядет Дева / Того и родити, и во яслех восклонити яко Младенца, / человеков воззвание изрядно соделовающего.

Светилен предпразднства.

Подобен: Посетил ны есть:

Предпразднственныя, вернии, Рождества пѣсни приидите, принесем вси: / грядет уже Христос в Вифлеѣм родитися, / спасти Вселенную, яко един Человеколюбец.

Слава, и ныне:

Вифлеѣме, землѣ Иудова, украси входы: / в тебѣ бо Дева и Богородица уже приходит родити, / в вертепе и яслех, Бога моего и Господа.

На хвалитех стихиры на 4, глас 6.

Подобен: Ангельския предъидите:

Содетельная ныне предгрядет Премудрость: / пророчестии отверзаются облацы, / благодать процветает, / истина возсия; / престают гадания сеновная, / Едема отверзется дверь. / Адаме, ликуй, / Создатель Бог наш / вольно создася.

Речения исполняя пророческая и видения, / раждается плотию / и одевается Слово / и в яслех безсловесных, родився, возлегает. / Сие крайнее снисхождение, / сие страшное смотрение, / егоже ради поем: / Царь Израилев, / Христос приходит.

Се Чистая паче ума и слова / раждает Сына Божия, / Егоже пророцы проповѣдаша древле, / провидяще Духом Святым, / нескверну Тя сохраняющая / и разрешающего Адама от греха. / Людие, рцем: / Царь наш, Христос / плотию приходит.

Недр Отёческих не отступль, / Человек явился еси / и, девственными держимь рукамы, / волхвы от Персиды звездою призвал еси, / Царю Тебе и Богу поклоняющийся. / Духом устен нечествующия князи языческия погубиши / и упасеши люди осущественныя.

Слава, глас и подобен тойже:

Слово, Иже Отцу Единосущен Сый, / от девственных растворение прием чистых кровей, / и зиждется, / и растёт временным разстоянием, / паки и раждается в вертепе. / Ужас велий! / Ангели воспевают, / человецы же рукамы плещут: / Царь Израилев, / Христос приходит.

И ныне, глас и подобен тойже:

Волхва Валаама проречения / исполнение приемлют: / персидскими бо чудесы облияни бывше, / звезды необычныя осиянием, / незаходямаго Солнца Христа осияни бывше, / в Вифлееме воплощеннаго Бога Царя / и вольнаго Мертвеца дарми назнаменают.

На стиховне стихиры, глас 2.

Подобен: Дóме Евфрафов:

Просиявает звезда, / уже раждаемаго / в вертепе прознаменуя. / Пастырие со Ангелы, волсви с дары, / предварити потщитесь.

Стих: Бог от юга придет / и Святый из горы приосененныя чащи.

Да пророческая / исполнит проречения, / в Вифлееме раждается / и Едем отверзает / сущим из Адама Господь.

Стих: Господи, услышах слух Твой и убояхся, / Господи, разумех дела Твоя и ужасохся.

Помози миром, Вифлееме, / ясли святии: / в тебе бо Владыка / прострети имать / лучи Своего Божества.

Слава, и ныне, подобен тойже:

Приидите, земнороднии, / согласно Деву / Богородицу Марию / да воспоём непрестанно, / из Неяже Христос раждается.

Святая мученица Иулиания,

дочь знатного язычника Африкана, пострадала за Христа в 304 году в г. Никомидии (Малая Азия). Девяти лет она была обручена с царским сановником язычником Елевсием. Благочестивая дева пытливым разумом стремилась познать истинного Бога. Она услышала Евангельскую проповедь о Христе и тайно приняла святое Крещение, решительно отказавшись вступить в брак с Елевсием. Разгневанный отец жестоко избил святую Иулианию и отослал ее на суд епарху города Елевсию. Тот горячо просил Иулианию выйти за него замуж и обещал не принуждать ее к перемене веры. Но праведная дева отвечала, что согласна сочетаться браком только с христианином. Отвергнутый Елевсий приказал бичевать святую мученицу. Затем ее повесили за волосы и раскаленным железом прижигали тело, а ночью бросили в темницу. Там мученице явился диавол в образе светлого ангела и уговаривал ее не терпеть более мучений и уступить Елевсию. Святая Иулиания смутилась его лукавыми речами и молила Господа о помощи. Божественной силой ей дана была власть над диаволом. Святая наложила на него вещественные узы и била, а когда утром ее повели на суд, бросила связанного беса в яму для нечистот.

Елевсий был поражен, когда увидел святую мученицу по-прежнему прекрасной и невредимой. Рассвирепев, он приказал бросить ее в горящую печь, но огонь был чудесно угашен слезами мученицы. Видя это, 500 мужчин и 130 женщин никомидийских уверовали во Христа и прославили Единого Бога. За это по приказанию епарха они были приговорены к казни. Так в собственной крови они приняли святое Крещение.



Святую Иулианию бросили в кипящий котел, но Ангел Господень сошел к ней и спас от смертоносной пытки. Огонь устремился на мучителей и попалил их. Котел лопнул, и святая величественно явилась перед изумленным народом.

Посрамленный Елевсий приказал отсечь мученице голову. Святая Иулиания с молитвой предала душу свою Небесному Жениху. Мученическая смерть ее произошла на восемнадцатом году жизни.

Святая мученица Иулиания почитается как покровительница целомудрия. Частицы ее чудотворных мощей хранятся во многих странах, подавая исцеление и помощь страждущим.



**Святѣя благовѣрныя княгини
Иулианѣи Новотѣржскія**

НА МАЛОЙ ВЕЧѢРНИ

На Господи, воззвах: стихѣры, глас 1.

Подобен: Всехвальнии мученицы:

С ердечною правостию Бѣга необымѣннаго разумѣвши, всечестная, / в Того вѣровала еси несумнѣнно, блаженная, / соблюди неизреченная Его повелѣния спасительная. / Дѣблественно, премудрая, пострадавши за целомудрие, / терпеливно Царство воспріяла еси недвижимое.

Б огомудрая блаженная княгинѣи Иулианѣе, / кровными твоими каплями одеяние души твоея украсила еси, / от силы бо благочестно в силу и от славы в славу прешла еси. / И ныне молися даровати душам нашим мир и велию милость.

О свящаеми есмь твоя мужественная борения / и подвиги славящи, / мученице всечестная Иулианѣе, / имиже сожительница Ангелом была еси / и всем страсотерпцем сопричастница, / с ними же молися даровати душам нашим / мир и велию милость.

Слава, и ныне, Богородичен:

У вѣи мне, что буду / ум, и душу, и тѣло осквернив прегрешеньми? / Что сотворю? Како же избѣгну пламене нестерпимаго, / нерешимых уз и вѣчных? / Но, о Всенепорочная, / прежде конца моли Сына Твоего / подати ми грехов оставление.

На стихѣвне стихѣры, глас 4.

Подобен: Яко дѣбля:

С ердечнаго рачения, / любви Божественныя и страданію твоему, блаженная, / лица ангельстии извѣстно удивѣшася, / како, мужеским сплетением / врага невидимаго низложивши, / побѣдный венец от Бѣга достойно пріяла еси.

Стих: Дѣвен Бог во святых Своих, / Бог Израилев.

П о Христѣ даже до смерти подвижающися, / разжженным мудрованіем пламень погасила еси похоти / и, свещу душевную неугасиму соблюди

ши, / вошла еси ко Христу в чертог Небесный. / Тем вси благочестно воспеваем, страстотерпице, / святую твою память, освящаеми благодатию.

Стих: В церквах благословите Бога, / Господа от источник Израилевых.

Страсти претерпела еси многих мук, всехвальная, / крепко приступльши, / отсюду к неболезненному представилася еси / восприятию незаходящего сияния, / и светлей радости, и вечному Божественному наслаждению, / тем ты ублажаем и святое твоё днесь совершаем торжество, / страстотерпице доблественная.

Слава, глас 4:

Жития, долу влекущего, и пищи наслаждение, / и цветущую славу, прехвальная, / оставльши яко временну, / Христу прилепилася еси целомудрием, / добротой Его красною распалаема, / и приступила, яко благоуханный шипок, / и венцем нетленного Царства венчася, Богоименитая.

И ныне, Богородичен:

Свеще неугасимая, престоле праведный, / Пресвятая Владычице, / моли спастися душам нашим.

Тропарь, глас 2: Благочестно в законе поживши: Писан на велицей вечерни. Слава, и ныне, Богородичен: Вся паче смысла:

НА ВЕЛИЦЕЙ ВЕЧЕРНИ

По обычном псалме поём: Блажен муж: 1-й антифён. На Господи, возвах: стихиры на 8, глас 8.

Благочестия прозябение честно, / добродетели цвет неувядаемый, / лозы Христовы розго многострадальная, / благоверная княгиня Иулиания / вся призывает светло верных / в память свою честную воспети сию, / яко победительницу на земли, Бога прославльшую.

Законом повинующися нас ради плоть на земли Приимшаго / и страсть Крестную Претерпевшаго, / целомудренная и благоверная, / на прелесть мужествовала еси, Иулиание, / огневещанным языком твоим беззаконного неистово посрамилася еси, / темже и со Ангелы радуясь, княгине великоименитая, / моли Христа Бога спастися душам нашим.

Струями кровей твоих, мудрая, / за чистоту ума и любовь, / яже к Богу и ближнему / излиянными, / землю освятила еси, / духом же духи возвеселила еси Бесплотных / и, с лики мучеников предстоящи Богу / и с сими соединяющиеся, / блаженная венценосица Божественного Духа силою явилася еси, / яко маслина, псаломски рещи, плодовита, / богодейственно исправающе благочестивым елей благодати Божия, / моли спастися душам нашим.

Испещрена одеждою чистоты / и просвещена верою Божественною, / имеющи в сердце своем огонь Божественного Духа, / сим опаливши нечистоты стремление / и лествявственно вражду низложивши, / обретесе крепкая сопротивоборница врага лествяваго, / Иулиание целомудренная, / в стезях правых Богу работающи, / законно пострадавши, / венец получила еси от Христа Бога. / Его же моли прегрешений оставление даровати / празднующим святую память твою.

Слава, глас 1:

Украшена добротами Божественныя красоты, / Ангелов доброты зриши, / душевною чистотою Спасу Христу жилище соделавшись, / благоверная, мужественне, / якоже злато, искусилася еси в горниле страданий твоих, / в целомудрии и в любви Божии вознеслася еси, / темже и по смерти источаеши богато чудеса, яко воды, / верою приходящим ко гробу твоему, / благоухания всех духовнаго исполняющи / и тьму бесовскую далече отгоняющи. / Темже вопиём ти: / о всеблаженная княгине Иулиание, / моли Царя Небеснаго / стране на противныя победы подати, / граду же и нам спасение и исцеление.

И ныне, Богородичен: Всемирную славу:

Вход. Прокимен дне. И чтения.

Пророчества Исаиина чтение (глава 43):

Тако глаголет Господь: / вси языцы собращася вкупе, / и соберутся князи от них. / Кто возвестит сия в них? / или яже от начала, кто слышана сотворит вам? / Да приведут свидетели своя, и оправдятся, / и да услышат, и да рекут истину. / Будите Ми свидетели, / и Аз Свидетель, — глаголет

Господь Бог,—/ и Отрок, Егóже избрах./ Да позна́ете, и веру́ете Ми, и разуме́ете, я́ко Аз есмь:/ прѣ́жде Мене́ не бысть ин бог и по Мене́ не бу́дет,/ Аз есмь Бог, и несть, ра́зве Мене́, спаса́яй./ Аз возвесті́х и спасо́х, уничижи́х и не бе в вас чу́ждий./ Вы Мне свидѣ́тели, и Аз Господь Бог,/ и ещѣ́ от нача́ла Аз есмь,/ и несть от рук Моих избавля́яй./ Сотворю́, и кто отврати́т то?/ си́це глаго́лет Господь Бог,/ избавля́яй вас Святы́й Изра́илев.

Премудрости Соломоновы чтѣ́ние (глава́ 3):

Пра́ведных ду́ши в руце́ Бо́жией,/ и не прико́с-
нется их му́ка./ Непщевани́ быша во очесе́х
безу́мных умре́ти,/ и вмени́ся озлобле́ние исхо́д
их./ И е́же от нас ше́ствие — сокруше́ние,/ о́ни же
су́ть в ми́ре./ Ибо пред ли́цем челове́ческим, а́ще и
му́ку при́мут,/ упова́ние их безсме́ртія испо́лне-
но./ И вма́ле нака́зани бы́вшие,/ вели́кими благоде́-
тельствовани́ бу́дут,/ я́ко Бог искуси́ я / и обре́те их
достойны́ Себе́./ Я́ко зла́то в горни́ле, искуси́ их / и,
я́ко всепло́дие же́ртвенное, при́ят я./ И во вре́мя
посеще́ния их возсия́ют / и, я́ко і́скры по сте́блию,
потеку́т./ Су́дят язы́ком и облада́ют людьми́,/ и
воцари́тся Господь в них во ве́ки./ Наде́ющіися
Нань́ разуме́ют і́стину / и ве́рнии в любви́ пребу́дут
Ему́,/ я́ко благода́ть и ми́лость в преподо́бных Егó /
и посеще́ние во избра́нных Егó.

Премудрости Соломоновы чтѣ́ние (гла́вы 5, 6):

Пра́ведницы во ве́ки живу́т,/ и в Го́споде мзда их,
и попече́ние их у Вѣ́шняго./ Сего́ ра́ди при́мут
Ца́рствие благоле́пия / и вене́ц добро́ты от руки́
Госпо́дни,/ зане́ десни́цею покры́ет я и мѣ́шцею
защити́т их./ При́мет всеору́жие рве́ние свое́ / и
воору́жит тварь в месть враго́м./ Облече́тся в
броня́ пра́вды / и возложи́т шлем — суд нелицеме́-
рен./ При́мет щит непобеди́мый — преподо́бие,/
поостри́т же напрасны́й гнев во ору́жие,/ спобо́рет
же с ним мир на безу́мныя./ По́йдут праволу́чныя
стре́лы мо́лниины,/ и, я́ко от благокру́гла лу́ка
облако́в, на наме́рение полета́т./ И от каменомѣт-
ныя я́рости испо́лнь паду́т гра́ды,/ вознегоду́ет на
них вода́ морская́,/ ре́ки же пото́пят я на́гло./
Сопро́тив ста́нет им дух си́лы,/ и, я́ко вѣ́хор,

развѣет их, / и опустошитъ всю зѣмлю беззаконіе, / и злодѣйство превратитъ престолы сильных. / Слышите ўбо, цѣрие, и разумѣйте, / навѣкните, судий концѣв землі. / Внушите, держащіи множества / и гордящіися о народахъ языкъ, / яко дана есть отъ Господа держава вамъ / и сила отъ Вышняго.

На литій стихіры, глас 3:

Страдальческое торжество, вѣрнии, / богомудренне совершаемо, видяще, / чудному в совѣтахъ Богу нашему / благодарственное песнопѣние воспойм: / невидимую бо державу противныя силы / в жѣнстемъ естествѣ победѣ / и, Божественную Свою силу в немощи совершивши добромученицы, / той молитвами спасаетъ дѹши наша.

Глас 8: Мѣра оставльши красоту, / душі благородіе благородія свѣше добротами / уяснила еси, блаженная княгинѣ Иулианіе, / образа благодать житіемъ сохранивши, / мученице непобѣдимая, / целомудрія забрало Боговидное / и цвѣте естества всеблагороднейший.

Глас 4: Доброта телесѣ и красота Божественная душі твоея стекостеся, / яко крин, просіяла еси, / одѣяна добродѣтелями, / непобеждена и преукрашена елеемъ чистоты и кровію страданія, / тѣмже и венѣцъ сугубъ Благодатель тебѣ дарова, / к Немѹ же возшла еси, / испещрена свѣтло, в Чертогъ неразоримый, / яко мученица непобѣдимая.

Слава, глас 6:

Страдальческимъ шествовавши путемъ, / мучительскаго избежала еси совѣта, / целомудренная княгинѣ Иулианіе, / яко дѣва ўбо мудра, / свещу носящи, вошла еси во двѣры Господа твоего; / яко мученица, мужествомъ благодать пріяла еси / исцелити плотскія страсти, / но и насъ, воспевающихъ тя, / душевныхъ болѣзней избави / яже к Богу молитвами твоими.

И ныне, Богородичен:

Тя стѣну стяжахомъ, Богородице Пречѣистая, / и благоутѣшное пристанище, и утверждѣние, / тѣмже молюся: / ѿже в житіи обуреваема окорми и спаси мя.

На стиховне стихиры, глас 4.

Подобен: Яко добля:

Сердечнаго рачения любви Божественней / и страданию твоему, блаженная, / лица Ангельстии известно удивившася: / како мужеским сплетением врага невидимаго низложивши, / победный венец достойно от Длани Живоносная явственно прияла еси?

Стих: Дивен Бог во святых Своих, / Бог Израилев.

По Христе скончаваема, / разжженным мудрованием пламень погасила еси похоти / и, свещу душевную неугасиму соблюдши, / возшла еси ко Христу в чертог Небесный. / Тем вси благочестно воспеваем, страстотерпице, / святую память твою, / освящаемы благодатию.

Стих: В церквах благословите Бога, / Господа от источник Израилевых.

Страсти претерпела еси многих мук, всехвальная, / крепко приступльши, / отсюду к неболезненному преставилася еси восприятию незаходящего сияния / и светлей радости, / вечному Божественному наслаждению. / Тем ты ублажаем / и святое твое днесь совершаем торжество, / страстотерпице непобедимая.

Слава, глас 6:

Приидите, градстии людие, / прославим благоверную княгиню Иулианию: / та бо змиеву главу сокруши, / чистоту телесную соблюдши, / и кровию землю освятит, / от сущих zde преставися к вечным обителем / и от Вседержительных Рук подвигов почестъ прият, / просит очищения душам нашим / и велия милости.

И ныне, предпразднства или Богородичен:
Творец и Избавитель:

Тропарь, глас 2:

Благочестно в законе поживши / и благими делы украсившись, / яко крепкий адамант, явися, / целомудренная святая благоверная княгине Иулиание, / тленную славу и добротство телесное презревши, / злокозненнаго врага победила

есї, / целомудрія ради мученическую смерть при-
яла есї. / Сего ради от Христа Бѣга нетлѣнным и
вѣчным венцемъ венчавшися, / нынѣ с лики мученик
ликуютъ / и нам велия чудеса, приходѣющимъ ко
гробу твоему, / обильно источаетъ. / Тѣмъ же ти
вопиѣмъ: / молися Христу Бѣгу о всехъ насъ, / вѣрою и
любовію страданія твоя почитающихъ.

Слава, и нынѣ, Богородичен: Вся паче смысла:

НА УТРЕНИ

**На Бог Господь: тропарь святѣя и предпраздн-
ства или Богородичен.**

По 1-м стихословіи седален, глас 5.

Подобен: Собоизначальное Слово:

Благочестно послѣдовавши заповѣдемъ Вседер-
жителя, / целомудрія тлѣтелю не покорилася есї, /
но претерпѣла есї твердо рукъ отъятие и ногъ
отсѣченіе / и преставилася есї к Бѣгу, благовер-
ная княгинѣ Иулианіе, / молися о насъ, соверша-
ющихъ память твою.

Слава, и нынѣ, Богородичен:

Тѣплая Предстательница и непобѣдимая, / упо-
вание извѣстное и непостыдное, / стено, и покрове,
и пристанище прибегающихъ к Тебѣ, Приснодѣво
Чистая, / Сына Твоего и Бѣга моли со Ангелы /
умирѣние дати миру, и спасѣние, и велию милость.

По 2-м стихословіи седален, глас 4.

Подобен: Гроб Твой:

Отсѣченіе удовъ телесныхъ доблественно претер-
пѣла есї, / и к свѣту преставилася есї Божествен-
ному и невещественному, / и по кончинѣ блажен-
ней источаетъ же исцелѣній капли, Иулианіе
благоверная, / уставляешь разжѣние страстей
силою духовною.

Слава, и нынѣ, Богородичен:

Молитвы Твоихъ рабъ приими, Богородице, / и
избави насъ от всякаго скорби, / яко рождшая
Христа Спаса, Избавителя душъ нашихъ.

По Хвалите Имя Господне: величание:

Величаемъ тя, / святая благоверная княгинѣ
Иулианіе, / и чтимъ честная страданія твоя, / яже
за Христа / претерпѣла есї.

Псалом избранный: Бог нам прибежище и сила:

По полиелен седален, глас 4:

Ревнительницу по благочестию, / победительницу на врага доблюю, в великих чудесах возсиявшую, / присно вси восхваляем верою благоверную княгиню **Иулианию**: / точит бо цельбы притекающим с верою, и утоляет страсти лютыя, / и сущия в скорбех человеки заступает.

Слава, и ныне, Богородичен:

Стена непобедимая нам, христианом, еси, **Богородице Дево**, / к Тебе бо прибегающе, неврежими пребываем / и, паки согрешающе, имамы **Молитвенницу Тя**. / Тем, благодаряще, вопием Ти: / **радуйся, Благодатная, Господь с Тобою.**

Степенна, 1-й антифон 4-го гласа.

Прокимен: Дивен Бог во святых Своих, Бог Израилев. **Стих:** В церквах благословите Бога, Господа от источник Израилевых. **Всякое дыхание: Евангелие от Марка, зачало 21.**

По 50-м псалме стихирь, глас 6, славник на литии: Страдальчески шествовавшие путем:

Канон благоверней княгине Иулиании, глас 4.

Песнь 1

Ирмос: Отверзу уста моя, / и наполнятся Духа, / и слово отрыгну Царице Матери, / и явлюся, светло торжествуя, / и воспую, радуяся, **Тоя чудеса.**

Ликующи, мученице, о Бозе и лучами исполняема от Него, / зарю мне подаждь светоносну твоими молитвами, / да пою твоя чудеса.

Яко голубица целомудренная, на высоту добродетелей возшла еси, / криле священне посребрене имущи, / имиже возлетевши, в райстей обители вогнездилася еси, **славная Иулиание.**

На земли подвизавшись целомудрия ради, всебогатая, / и временную смерть претерпевши, / на Небесах ныне воздаяния от Владыки приемлещи, / мученице непобедимая, во веки безконечныя.

Богородичен: Дево Всенепорочная, Христу рождающая, / и Сего в ложеснах понесла еси, Неискусомужная, / разреши мрак души моея и просвети мя, да пою Тя.

Песнь 3

Ирмос: Твоя песнословцы, Богородице, / живый и независтный Источниче, / лик в себе совокупля-
 шия, духовно утверди, / в Божественной Твоей
 славе / венцев славы сподоби.

Целомудрия желанием одержась, соблюла еси
 души и телесе чистоту, / была еси приятна жертва
 Христу, вопиющи: / Свят еси, Господи, спаса-
 я души наша.

Осквернители страстьми доброте красней, ду-
 шевней и Боговидней не стерпела еси, всемудрая, /
 доброту несказанную Честнаго Жениха твоего
 уразумевши, всеславная.

Божественный воистину славий, иже весну
 Небесную достигши, / чистая ластовице, красная
 горлице, голубице удобренная, / лютых обстояний
 нас спаси, Божия славы улучшить сподоби.

Богородичен: Заступница скорбящим, / спасе-
 ние и упование ненадеемым, Богородице Всепе-
 тая, / моли Христа Бога избавитися нам от бед.

Седален, глас 5.

Подобен: Собезначальное Слово:

Добродетели светлостию просвещаемы / и муче-
 ния подвигом украшаемы, / паче солнца, премуд-
 рая, сияеши тверде / и просвещаети воистинну
 творящих верно память твою светоносную, / пре-
 славная страстотерпице Иулиание, великая княги-
 не, / покланяющихся мощем твоим спасаи.

Слава, и ныне, Богородичен:

Ужасно чудо зачатия / и несказанен образ
 рождества / в Тебе познася, Чистая Приснодево, /
 ужасает мой ум и удивляет помысл, / слава Твоя,
 Богородице, во вся концы вселенныя достиже во
 спасение душ наших.

Песнь 4

Ирмос: Седяй в славе на Престоле Божества / во
 облаце легце, / прииде Иисус Пребожественный /
 Нетленною Дланию и спасе зовущия: / слава,
 Христе, силе Твоей.

Уязвивши сердце твоё любовью Жениха твоего, /
всяку плотскую любовь отвергла еси твердо, /
внегда убиваемей быти, болезненне вопиющи: / не
разлучит любви Твоея, Христё, мук прещение.

Была еси непоколебим и непреклоним во время
обстояния столп, всеславная, / целомудрия осно-
вание, / положено на камени веры, преблаженная.

Претерпела еси мужески подвиг, мученице
многострадальная. / И первое умовредно вельми
хвалящагося с шумом погубила еси / Крестною
силою, о Иулиание всеблаженная.

Богородичен: Видь милостивым оком Твоим, и
посети озлобление, еже имам, / и лютых напастей,
и вреда, и бед, и искушений мя избави / безмерною
милостию Твоею, Богородице Приснодево.

Песнь 5

Ирмос: Ужасошася всяческая / о Божественней
славе Твоей: / Ты бо, Неискусобрачная Дево, /
имела еси во утробе над всеми Бога / и родила еси
Безлетного Сына, / всем воспевающим Тя / мир
подавающая.

Жену ты по естеству нарицаем, / но паче силы
женския подвиглася еси о целомудрии, / да Хри-
стов закон исполниши, / за Него же мужественно
пострадала еси.

О, безчеловечного и немилосердаго мучитель-
ства суровства! / Руце бо и нозе твои люте,
страстотерпице, мечем отсече / и тем главу не
пощадё, / ум утверждающую Подвигоположнику
Христу.

О, мужества страстотерпицы! / О, чистоты кре-
пости! / О, разума непреклонна! / яко уязвляема
вельми и отсекаема немилостивно, / явися стра-
стоносица величайшая.

Богородичен: Крепосте моя, Пречистая, / прибе-
жище, и необоримая стено, / и к Богу Молитвенни-
ца сущая, / вечнующаго пламени и геенны свобо-
ди мя.

Песнь 6

Ирмос: Божественное сие и всечестное / совер-
шающе празднество, / Богомудрии, Богоматере, /

приидіте, рука́ми воспле́щим, / от Не́я ро́ждшаго-
ся Бо́га сла́вим.

Руко́ю Влады́ки твоего́ окормля́ема, / преплы́ла
е́си непостоя́нное мо́ре нече́стия, честна́я, / и
устремíлася е́си ко приста́нищу, Иулиание, Вы́-
шняя свѣтлости, Богоблаже́нная.

Не дово́лен быв злочестíвый мучíteль уби́ени-
ем благове́рных княги́ни, / но и тѣло твое́, разсе́-
ченное на ча́сти, в реку́ вве́рже ока́янный, / не
устыди́вся благо́дія твоего́, всечестна́я.

Спасы́й от чре́ва кíтова содержи́маго в нем
проро́ка пресла́вно, / от рѣчных вод твоя́ спаса́ет
победоно́сныя мо́щи по кончи́не, / страсотѣрпице
всехва́льная.

Богорóдичен: Ма́терь Дѣву Отрокови́цу Божѣ-
ственным просвещáеми Духом, Пречы́стая, / свя-
щеннии проро́цы священными Тя гла́сы провозве-
сти́ша, / из Не́яже Бог Сло́во па́че вины́ же и сло́ва
воплоти́ся / за милосѣрдíе безконѣ́чное.

Конда́к, глас 2:

Воспоём днесь Благоде́теля всех Бо́га, / про-
сла́вльшаго в Росси́и Иулиани́ю Богому́друю, /
да моли́твами е́я пода́ст душáм нашим / грехо́в
оставлѣ́ние и ве́лию ми́лость.

Песнь 7

Ирмо́с: Не послужи́ша тва́ри Богому́дрии, / па́че
Сзда́вшаго, / но, о́гненное прещѣ́ние му́жески
попра́вше, / ра́довахуся, пою́ще: / препѣ́тый отцевъ
Госпо́дь и Бог, благословѣ́н е́си.

Красото́ю страда́ний уподо́билася е́си, му́драя,
Прекра́сному Жениху́, Христу́. / Емуже́ предсто-
я́щи, по́еши, ра́дующися: / препѣ́тый отцевъ Гос-
по́дь и Бог, благословѣ́н е́си.

Ка́пли твоихъ кровей, мучени́це, иска́паючи,
багряни́цу многоце́нну / и нетле́ннаго весе́лия
ри́зу истка́ша, / ёю́же ны́не, Богому́драя, на Небе-
се́х оде́яна, / умно́ Жениху́ предсто́йши.

Жениха́ Безсме́ртнаго, Жизнода́вца жела́юще, /
я́ко дар страда́ние Сему́ принесла́ е́си / и воспри-
я́ла е́си Небе́сное Ца́рство / и вене́ц нетле́нен,
мучени́це сла́вная.

Богородичен: Из девическаго боку воплощся, явился еси на спасение наше. / Тем, Твою Матерь ведуще, Богородицу, благодарно взываем: / отец наших Боже, благословен еси.

Песнь 8

Ирмос: Отроки благочестивыя в пещи / Рождество Богородичо спасло есть; / тогда убо образующее, / ныне же действующее, / вселенную всю воздвизает пети Тебе: / Господа пойте, дела, / и превозносите Его во вся веки.

Тела мертвеннаго ты не пощадела еси, / темже безсмертие пребывающее наследовала еси: / умертвилася еси любви ради, славная, страсти Умертвившаго.

Несумнённу имущи веру, / елеем просвещши кровей твоих, мученице, свещу твою, / внутрь вошла еси чертога, поющи в Небесней радости: / Господа пойте, дела, и превозносите Его во веки.

Взятся ум твой, блаженная Иулиание, к Божественней воистинну высоте, / высок бо ты стяжала еси разум / и в чертог светел вселилася еси, вопиющи: / Господа пойте, дела, и превозносите Его во веки.

Богородичен: Во след Тебе текóша жены, / мира благовоннаго благоухания духовнаго наслаждающиеся, / Всечестная Богоневесто, еди́на Неискусобрачная, / из утробы Твоея возсиявшаго Единороднаго Сына Христа́ Бога, / и с Тобóю царствуют, истинно песнословяще Его во веки.

Песнь 9

Ирмос: Всяк земнородный / да възиграется, Духом просвещаемъ, / да торжествует же Безплотных умов естество, / почитающее священное торжество Богоматере, / и да вопиет: / радуйся, Всеблаженная Богородице, / Чистая Приснодево.

Сущи исполнена даров духовных, / недуги неисцельныя целити болящих, / уставляеши огненное опаление, дүхи отгоняеши лукавыя / и всем в печалех помогаеши, досточүдная.

Днесь пáмять тво́я нам возсия, стрáстотéрпице Иулиáние, пáче со́лнца, / всех веселя́щи сердцá вёрных, / мы́сли просвещáющи и тьмы недúгов отгоня́ющи, / ю́же моле́бно прáзднуем.

Я́ко предсто́ящи Зиждíteлю со дерзновéнием, влады́чице мучени́це Иулиáние, / со всéми от вéка святы́ми, / проси́ согрешéний прощéния тя пою́щим.

Богорóдичен: Рáдости испóлни мя и весéлия, Дéво, / я́ко при́ймши Винú рáдости: / Ты бо источи́ла еси́ всем рáдование.

Свети́лен:

Чиста жéртва принеслáся еси́, и приношéние пресвётло, / и я́ко благовóнный фимиáм, Иулиáние Богомúдрая, Христú Бóгу нáшему, / Егóже моли́ спасти́ и просвети́ти дýши нáша.

**Слáва, и ны́не, предпáзднства
или Богорóдичен:**

Тя заступлéние вси íмамы, грéшнии, о Пречи́стая Дéво, / Ты благоувéтлива нам сотвори́ Сы́на Твоегó / мáтерними Твоими́ моли́твами.

На хвалíteх стихи́ры, глас 6:

Целомúдренным шéствовавши путём, / прароди́тельскаго избежáла еси́ поползновéния ко греху́, / Иулиáние всечестнáя, / и я́ко мучени́ца мýжественна / благодáть при́яла еси́ цели́ти плотскíя стрáсти. / Но и нас, воспева́ющих тя, / душéвных болéзней избáви / к Бóгу твоими́ моли́твами.

Глас 4: Настá, празднолю́бцы, свётлое торже́ствó, / пáмять стрáстотéрпицы, благовёрныя кня́гини Иулиáнии, / веселя́щи вся́ческая, / сия́ющи зарjáми чудес в мíре, / принося́щи челове́ком непрестáнную благодáть. / То́я моли́твами, Христé, / спаси́ дýши нáша.

Глас 1: В моли́твах тайно бдя́щи / и насладивши́ся писáньми Богодухновенными, Иулиáние слáвная, / на ráмо взéмши крест Госпóдень / и Семú последую́щи воздержáнием, / всю лeсть змíя низложи́ла еси́, зовúщи Христú: / Жени́шэ Небéсный, / Ты бóди ми утверждéние.

Яко на ка́мени твёрде целомудрия / утверд́ивши-
ся, Иулиание сла́вная, / убийцу врага́ посрами́ла
еси́ / и вене́ц победный досто́йно прия́ла еси́.

Сла́ва, глас 8:

Всяк язык да подви́жится / к похвалёнию благо-
ве́рных княги́ни Иулиании, / весь род и во́зраст
всяк, ю́ноши и де́вы, / Христо́ву му́ченицу похвала́-
ми венча́ем. / Зако́нно бо му́жествовавши / и сла́-
бость же́нскую отвёргши, / страда́льческими бо-
ле́зными неисто́ваго врага́ низложи́. / Небе́сным же
и Божество́нным венце́м украси́вшись, / мо́лится
Христо́у Бо́гу / дарова́ти нам ве́лию ми́лость.

И ны́не, Богоро́дичен:

Арха́нгела Гаврии́ла глас воспри́имше, рцем: /
ра́дуйся, Ма́ти Бо́жия, / Я́же Жизнода́вца Христа́
ми́ру ро́ждшая.

Та́же славосло́вие ве́ликое, тропа́рь и отпу́ст.

НА ЛИТУРГИИ

Блаже́нны от канона́, пёснь 3-я и 6-я, на 8. Прокі́мен,
глас 4: Ді́вен Бог во святы́х Свои́х, / Бог Изра́илев. Стих: В
це́рквах благослови́те Бо́га, Го́спода от исто́чник Изра́иле-
вых. **Апо́стол к Коринѳяном, зача́ло 181. Ева́нгелие от**
Ма́рка, зача́ло 21. Прича́стен: В па́мьть ве́чную:

Молитва

О блаже́нная госпоже́, пресла́вная Христо́ва
му́ченице, Небе́сных Ангелов сожи́тельнице,
благове́рная княги́не Иулиание, до́бре за чистоту́
подви́завшаяся, ея́ же ра́ди и Божество́нными
дара́ми обогати́вшаяся, во вре́менной жи́зни лю́те
от злоко́зненнаго врага́ пострада́вшая, утеше́ние
же неконча́емое от Христа́ Бо́га получи́вшая,
благими́ де́лы и крото́стию украси́вшаяся и крото́-
ких зе́млю насле́довавшая, благоче́стно в зако́не
пожи́вшая и вельми́ ны́не чуде́сы просия́вшая! Ты,
я́же чистоты́ ра́ди твоея́ серде́чная, прия́ла в тя
Свет Свята́го Ду́ха и была́ еси́ всех благі́х дел
сокро́вище на земли́ и, сего́ ра́ди благі́й ко́нec
му́ченичества улу́чивши, неизрече́ннаго све́та
сподо́блена еси́ в ве́чных кро́вех Небе́снаго селе́-
ния. Ты, я́же со святы́ми собо́ры водворя́еши́ся и с
му́ченик ли́ки весели́ши́ся, помяни́ и нас, добродё-

тельное твоё житіе и страданія твоя мученическая похваляющих и с духовною радостію почитающих твою память. Призри на ны, волнами житейскими обуреваемыя, да твоими молитвами, добре поживше, диавольских избежим сетей и с тобою вечных благ сподоблены будем. О всеблаженная страстотерпице, всех Владыце и Богу благая и верная раба явившаяся! Днесъ, собраннии в храме твоём, к мощем твоим припадающе, умиленно вопиём и молим тя: моли с нами и о нас умоляемого от своего благоутробия Бога, да милостивно услышит нас, просящих Его благостыню, и подаст нам вся, яже ко спасению и житию нужная прошения, и всем, на всяком месте, во всякой скорби и обстоянии требующим Его человеколюбия и помощи, великую Свою милость. Да благодатию Божиею и твоим тёплым ходатайством здрави всегда душою и телом пребывающе, славим дивнаго во святых Своих Бога Израилева, не удаляющего помощи Своея от нас всегда, ныне, и присно, и во веки веков, аминь.

Благодарная Иулиания, княгиня Вяземская и Новоторжская, почитается как образец высокого супружеского целомудрия.

Супруг ее, Вяземский князь Симеон Мстиславич, вместе со Смоленским князем Юрием Святославичем вынужден был бежать из родных земель, которые захватил литовский князь Витовт. Великий князь Василий Дмитриевич дал изгнанным князьям тверской город Торжок.

Князь Юрий не раз пытался склонить к прелюбодеянию прекрасную и целомудренную княгиню Иулианию, но она свято хранила обет супружеской верности, то словами строгой правды, то мольбою удерживая его от греха. «Нельзя быть тому: у меня есть муж и я дорожу верностью ему более, чем жизнью», — говорила целомудренная княгиня. Тогда князь Юрий решился на явное злодеяние. Во время пира, устроенного им в своем доме, он убил преданного ему князя Симеона и пытался насильно овладеть княгиней. Святая Иулиания мужественно воспротивилась убийце; чтобы отрезвить его и легче уйти,

княгиня ударила рассвирепевшего в плечо ножом. Юрий с мечом в руке догнал ушедшую Иулианию, изрубил ее и велел бросить в реку Тверцу. Это произошло 21 декабря 1406 года.

Осуждаемый всеми, князь-убийца бежал к татарам. Но и там он не нашел покоя от мучений совести и удалился в Николаевский Успенский Венев монастырь, где в горьком раскаянии окончил свою жизнь.

Весною ослабленный крестьянин увидел в реке плывущее против течения тело и услышал голос: «Человек Божий! Иди в Торжок, в соборную церковь, скажи протопопу и братии, чтобы взяли отсюда грешное тело Иулиании и погребли у южных дверей». Больной и немощный до того, он внезапно почувствовал в себе силы и, радостный, поспешил исполнить приказ. Гроб с телом святой был поставлен в Спасо-Преображенском соборе, и многие страждущие получали там исцеление.

В 1598 году соборный диакон Иоанн задумал осмотреть святые мощи. Он постился 40 дней, но когда стал откапывать гроб, оттуда вырвал-

ся огонь и опалил его. «Не трудись напрасно, отец,— был к нему голос,— не следует видеть тело мое, пока не будет на то воли Божией». Два месяца диакон лежал в расслаблении и лишь после многих усердных молитв получил исцеление у гробницы.

В 1811 году, в день памяти благоверной княгини, жена соборного протоиерея Артемия, ослепшая и потерявшая рассудок, по совершении соборного молебна избавилась от недугов.

В апреле 1815 года при разборе

обетшавшего собора открыли каменный гроб блаженной княгини. Более пятидесяти чудесных исцелений было записано в книге, хранившейся при раке святой мученицы. 2 июня 1819 года в честь святой Иулиании в Спасо-Преображенском соборе был освящен правый придел. В 1906 году у собора на месте часовни над гробом благоверной княгини была устроена церковь во имя святой Иулиании.

Невинно убиенный супруг ее, князь Симеон, также почитался в Торжке местно.



В
ТОЙЖЕ
ДЕНЬ

**Свята́го пра́веднаго Проко́пия,
Христа́ ра́ди юро́диваго,
Вя́тскаго но́ваго чудотво́рца**

На Го́споди, воззва́х: стихи́ры, глас 4.

Подобен: Я́ко до́бля:

Све́тло возсия́ла е́сть, / я́ко со́лнце, светоза́рная
па́мять твоя́, / луча́ми облиста́ющи твои́х
добродете́льных дея́ний, / всеблаже́нне Проко́-
пие, / и озаря́ющи ве́рных ра́зумы све́том чуде́с
твои́х. / Си́ю у́бо пра́здную́ще, ра́достно тя сла́вим /
и ве́рно ублажа́ем, уго́днице Христа́ Бо́га на́шего. /
Его́же моли́ от тли и бед изба́вити / ве́рою пра́здну-
ющих всечестно́е твоё успе́ние.

Земный А́нгел / и Небе́сный челове́к яви́ся,
преблаже́нне, / исто́чник умиле́ния, ми́лости течé-
ние, / пучи́на чуде́сем, стру́я исцеле́нием, / Проко́-
пие досточу́дне. / Ма́слина Бо́жия войсти́нну пло-
довита́, / еле́ом трудо́в твои́х просвеща́я ве́рно
хва́лящих тя / и моля́ Человеколю́бца от бед
изба́вити / лю́бовию чту́щия всечестну́ю па́мять
твою́.

Ра́зум твой, блаже́нне, / Божество́нным све́том
сия́я, теле́сных страсте́й превзы́де, / непримесе́н
до́льным нося́ о́браз, / и, вообража́я себе́ Божé-
ственными добродете́льми, / показáся весь
светообра́зен / поспешéнием Ду́ха Свята́го, Проко́-

пие Богомудре, / праведным похвалó. / С ними же моли́ Христа́ Бóга нашего / от бед избáвити поющия́ ты.

Ины стихиры, глас 5:

Господа Бóга возлюбил еси́ от юности, блаженне Прокóпие, / восприяв на ся óбраз юрóдства, до смérти подвижáясь, / Госпóдь, свидéтельствуя свя́тость твою́, / ещё́ при жízни даром чудес обогатí ты, / по смérти же дúшу прият в обители́ Небéсныя. / Имéя мýлость у́ Бóга, / моли́ся о нас, почита́ющих пáмять твою́, / да Госпóдь помíлует и простíт нас / и вселíт во Цáрствии Своём.

О блаженне Прокóпие, / со апóстолом Пáвлом ты рекл еси́: / мы бúи Христа́ рáди, / вы же мýдри о Христé, / óбраз юрóдства и неразúмия пред людýми явля́я, / рáзум же совершён имéя, / в смиренíи же всех лúчшими себе́ почита́я, / врéменнаго и тлénнаго отрéклся еси́, / стяжáв богáтство благодáти Дúха Свята́го. / Помози́ нам избежáти обольщénия бесóвскаго и гордыни, / исполнитися же смиренíя и терпénия / и получи́ти от Христа́ Бóга вéлию мýлость.

Слóвом вся создá Госпóдь: / Той бо речé, и бýша, Той повелé, и создáшася. / И ты, блаженне Прокóпие, избегáя сýетных слов, восприя́л еси́ пóдвиг молчáния, / да слóво úмныя моли́твы непрестáнно Слóву Бóжию принóсиши. / Моли́ Христа́ Бóга, блаженне, / оградíти нас от суеты́ и празднослóвия, / от осуждénия и злослóвия, / подáти разуме́ние, / слова́ дóбрая на пóльзу блýжнему рещí, / в моли́тве умóм неразсéянным нелéнною пребывáти / и услы́шати Христóво слóво: / приидíте, благословénнии Отца́ Моегó, / наслéдуйте уго́тованное вам Цáрствие от сложénия мíра.

Просветíся дóброе житиé твоё среди́ тмы грехá, / и мы, прáзднующе, блаженне, честнóу пáмять твою́, / прославля́ем Отца́ Небéснаго, / Егóже моли́ даровáти нам мýлость / и пóмощь дóбре пожíти в вéце сем, / в грядúщем же нескончáемом вкúпе с тóбою и всéми святы́ми / непрестáнно славíти и воспевáти / Отца́, и Сы́на, и Дúха Свята́го.

О блаженне Прокопие, / ты Матерь Бóга нашего
всегда молил еси о помощи / и от Нея, в обители Ея
Успения, / чрез преподобнаго Трифона благосло-
вение приыл еси / на подвиг юродства о Христѣ. /
Святе, моли Пречистую Дѣву помиловати нас,
грѣшных, / подати Небесное благословение, и
помощь, / и спасение душам нашим.

Слава, глас 6. Самогласен:

Чистое житиѣ твоѣ / и всеблаженный ти конец,
отче Прокóпие, / в немже всего града Хлынова
множество народа сошедшеся, / яко видеша тя, без
дыханія лежаща, / и гласы велегласными вопияху
ти, / даждь конечное слово радостно рабѣм твоим,
святе, / не остави нас, где оставляеши люди свой,
блаженне Прокóпие. / Войстинну милостив и лю-
безен быв, / обаче аще zde гроб покры ты, / но
Вятская страна всебогáтна имать тя предстателя
и молитвенника к Бóгу / иже верою и любовию
чтущим память твою.

И ныне, Богородичен: Кто Тебе не ублажит:

**Вход. Прокимен дне. Чтения 3 преподобниче-
ская (зри страницы 487—489). Или сии чтения:**

**Царств пѣрвых чтѣние
(главы 21, 10—15; 22, 1—2):**

И востá Давид, и убежé в той день от лица
Саулова, / и прииде Давид ко Анхусу, царю
Гѣфску. / И рѣша ѳтроцы Анхусовы к нему: / не сей
ли Давид, царь земли? / не сему ли изыдоша жены
ликующия, глаголюща: / победí Саул с тысящами
своими и Давид со тьмами своими. / И положи
Давид глаголы сий в сѣрдцы своем, / и убояся зело
от лица Анхуса, царя Гѣфска. / И измени лице свое
пред ним, / и притворíся в день той, и бияше во
вратá града, яко в тимпан, / и падаше на руки свой,
и падé у врат града, / и слíны свой точáше по
брадѣ своей. / И речé Анхус ко отроком своим: / се
видесте мужа нейстова, / почтó его введóсте ко
мне? / Едá не имéю аз нейстовых, яко введóсте его, /
да бесну́ется прѣдо мною? / сей да не внидет в дом
мой. / И отыде Давид оттуду, и спасéся, / и прииде в
пещеру Одолламску; / и слышавше брáтия его и
дом отцá его, приидоша к нему тамо. / И собрáшася

к нему всяк, иже в нѹжде, / и всяк должник, и всяк печальный душею, / и бе ими обладаяй, и бѣше с ним яко чѣтыреста мужей.

Пророчества Исаиина чтѣние (глава 20):

В лѣто, в нѣже вниде Танафан во Азот, / егда послан бысть от Арны, царя Ассирийскаго, / и воева на Азот, и взя его, / тогда рече Господь ко Исаии, сыну Амосову, глаголя: / иди и свѣрзи врѣтище со чресл своих, / и сандалия твоѣ иззуй с ног твоих, / и сотвори сѣце, ходя наг и бос. / И рече Господь: / якоже ходил раб мой Исаия наг и бос три лѣта, / три лѣта будут знаменія и чудеса египтяном и ефиопляном, / яко такожде отведет царь Ассирийск плен египетск и ефиопск, / юноши и старцы, наги и босы, откровены во стыдѣние Египту. / И постыдѣтся побеждѣни египтяне о ефиоплянех, / на нихже уповаху египтяне, / бѣху бо им слава. / И рекѹт живущи на островѣ сем в день оный: / се, мы бѣхом уповающе бежати к ним на помощь, / иже не могѹша спастися от царя Ассирийска, / и како мы спасѣмся?

Премудрости Соломоновы чтѣние (глава 3):

Праведных души в руцѣ Божией, / и не прикоснется их мѹка. / Непщевани бѣша во очесѣх безумных умрѣти, / и вменися озлоблѣние исход их, / и еже от нас шѣствие — сокрушѣние, / онѣ же суть в мѣре. / Ибо пред лицѣм человѣческим аще и мѹку примут, / упованіе их безсмертія исполнено, / и в малѣ наказани бѣвшие, / великими благодѣтельствованиями будут, / яко Бог искуси их и обрете их достойны себе, / яко злато в горнѣле, искуси их / и, яко всеплѹдие жѣртвенное, прият я. / И во время посещенія их возсияют / и, яко искры по стѣблию, потекут. / Судят языком и обладают людми, / и воцарится Господь в них во вѣки. / Надѣющіися Нань разумѣют истину / и вѣрнии в любви пребудут Ему, / яко благодать и мѣлость в преподобных Его / и посещение во избранных Его.

На литии стихиры, глас 1. Самогласны:

Устранивыйся Господа ради от всех земных / и отлучивыйся родителей и сродник, яко незнаем, /

от Святаго Духа утешение восприим / и Бестелесным в телеси ревновав, очищено тело и просвещен ум имея, / в Боголюбие чистоты прииде, / безленично Христу последовал еси. / Ему же в Вышних, преблаженне Прокопие, со Ангельскими чини предстои, / моли избавитися нам от лукавства вражия / и спастися душам нашим.

Глас 2:

Егда озарися Духом Божественным, / тогда мира вся красная отвергл еси. / Ничтоже на теле своем ношае от тленных одеяний, / наготовю телесною Христови работая, / желая блаженства вечнаго, презрел еси дольняя / и ныне предстоиши Христу Богу нашему во славе со святыми Ангелы, / Его же со дерзновением моли о душах наших.

Юродством премудрости достиг глубину, преблаженне, / и райская селения наследив, / и ныне веселяся с лики праведных, / и чести зря Владычния доброты, / и со Ангелы предстои Святей Троице, / поминай, блаженне, всегда чтущих память твою.

Глас 4:

Умом к Небеси востекая, / беседовал еси с Богом и Ангелами святыми, / людем же на земли знаками предвещал еси их ожидающая: / кого воздвигал еси / от одра болезни, радуясь, / кого же, крестообразно руки сложив, / оплакивал еси, предвещая кончину. / Умоли Матерь Божию, / да вознесет всемогущую молитву / к Рождшемуся от Ней Христу, Сыну Божию, / даровати нам вечную жизнь во Царствии Небеснем.

Глас 8:

Солнца светлейша, / просвещена душею и Божественными блистаниями / Вятскую страну просвещающая, / Прокопия вседоблаго ублажаем, / тьму нечестия отгоняющая, / верным заступника и помощника в бедах и печалех, / и яко отечеству любца и предстателя, / и молитвенника о душах наших.

Слава, глас тойже:

Возлюбил еси Небесная, и возненавидел земная, / и мерзка сотвори я. / Тесным и скорбным путем

шествоуя, / победил еси страсти мира сего. / В терпении и страдании храбр явился еси / и разорил вся козни вражия, / почерпнул еси желанием источника благодатного, / и бысть благодать Божия в сердца твоем. / И в совершенная предложения воли Божии себе предложил еси, / преблаженне Прокөпие, / моли спастися душам нашим.

И ныне, Богородичен: Безневестная Дево: или предпразднства.

На стиховне стихиры, глас 2.

Подобен: Дөме Евфрафов:

Дом чистоты, / чудне Прокөпие, был еси. / Пищи многия, и добродобия телеснаго, / и разнаго одеяния не восхотел еси, / страхом Божиим стяжал безмолвие.

Стих: Честна пред Господем / смерть преподобных Его.

Дом Духу Святому, / святе Прокөпие, был еси, / дом родителей и всех земных вещей / от юности возненавидев / будущия ради жизни.

Стих: Блажен муж, бойся Господа, / в заповедех Его восхождет зело.

Дом Христова благодарения, / Богодохновенне, был еси. / Богатство сокровенно в души имел еси, / возсия луча света / благодати в мысли твоей.

Слава, глас 6:

Отческую доброту, / юродивым Христа ради украшение, / источника чудес, к Богу молитвенника непотыдна, / сошедшая, празднолюбцы, / песнями похвальными воспоём, глаголюще: / радуйся, блаженных житию правило / и образ спасения известен; / радуйся, светильниче пресветлый Вятския страны, / озаряя вся добродетелей светлостью. / Радуйся, иже в бедах утешителю и столпе предстоящим. / Ты убо, преблаженне Прокөпие, / не претай моляся Христу Богу о стаде твоем, / иже верою почитающих твоё усение.

И ныне, Богородичен или предпразднства.

Ины стихиры на стиховне, глас 8:

Душею на Небеси, мощами под спудом почивая, / святой блаженный Прокөпие, / предстани ныне,

усердно моляся о нас, / творящих святую память твою, / да избавит нас Господь от внезапных смертей / и сподобит христианския кончины.

Стих: Честна пред Господом / смерть преподобных Его.

Духом Святым укрепляемый, / смирению и терпению поучая, / подвизался еси, юродствуя о Христе, / блаженне Проконие, моляся о нас, / творящих святую память твою.

Стих: Блажен муж, бояйся Господа, / в заповедех Его восхощет зело.

Амалика мысленного побеждая гордыню, / смирил еси себе в подвиге юродства до безсловесия, / святой блаженный Проконие, / и Бог венцем Небесных славы украси ты, / моляся о нас, молящихся тебе.

Слава, глас тойже:

Радуйся, блаженне Проконие, / радость бо Небесную вечную / от Бога приял еси за труды твоя, / моляся с Богородицею / о мире и людех согрешающих.

И ныне, Богородичен.

Тропарь, глас 4:

Иже на земли Христа ради волею в буйство преложи́ся, / и мира сего красоты отнюд возненавиде, / и плотская игра́ния увядив постом и жаждою / и на земли леганием, / от зимы студению и морозом, / и от зно́я солнечнаго и дождя / и прочие тяготы никогда́ же уклонися под кров, / и на теле своем не имея оде́яния, / Божию по́мощию покрываем, / и ду́шу очисти́л еси добродетельми своими, яко злато в горни́ле, / Проконие премудре, / с ве́рою творящим па́мять твою́ че́стно / и усердно притека́ющим к мо́щем твои́м, / прославляюще твоё свято́е успе́ние, / Христу́ Бо́гу моли́ся, благоу́роде, / да изба́вит ны Господь от ва́рварскаго наше́ствия и междоусо́бных бра́ни / и мир ми́рови да́рует / и ду́шам на́шим ве́лию ми́лость.

Ин тропарь, глас 4:

Велию любовь ко Господу в себе имея, / все претру́дное жити́е твоё / во гра́де Хлы́нове, юродствуя, провёл еси́, блаженне Проконие, / зной

и мраз, глад и жажду благодушно терпя, / биение и поношение от людей безбожных / радостно принимал еси, подвижниче добропобедный, / любовью же и добром велиим за зло воздавая, / мнозем предрекал еси их ожидающее / и от недугов исцелял еси, беззлобне, / тем же, наслаждаясь ныне в сонме святых, / моли Господа помилovati град и люди, ты почитающие.

Ин тропарь, глас 8:

Ангельски живя на земли богоугодно, / многия скорби и труды терпеливо неся, / добродетельми и дарованиями от Бога украсився, / предвещая грядущая и исцеляя болезни, / безмолвно, непрестанно моляся, / юродствуя, скрыв дарования своя, / ныне наслаждаясь в селениях святых, / святой блаженне Прокопие, / моли Христа Бога спастись душам нашим.

Слава, и ныне, Богородичен или предпразднства.

НА УТРЕНИ

По 1-м стихословии седален, глас 5:

Твердаго адаманта и столпа, непоколебима вражьиими прилоги, / Богоносного Прокопия песнями почитим, / терпением бо войстинну посрамивша сопротивного врага, и без вести его сотворивша, / и ныне молящаяся о спасении душ наших.

Слава, и ныне, Богородичен:

Ужасно чудо зачатия и несказанен образ рождества / в Тебе познася, Чистая Приснодево, / ужасает мой ум и удивляет помысл. / Слава Твоя, Богородице, всем простресь во спасение душ наших.

По 2-м стихословии седален, глас 3:

К Богу желанием, преблаженне, одержим, отче Прокопие, / иго Христово на рамо взем, в Хлынове граде вселился еси среди мира, / ту Богу угодил еси, / и молитвенника ты тепла стяжанием ко Господу.

Слава, и ныне, Богородичен:

Божественное бысть селение Слова, едина Пречестная Мати Дево, / чистотою Ангелы превосхо-

дѣящи, / ѿже пѣче всех менѣ, прах бѣвшаго, оскверненѣна плотскѣми прегрѣшеніи, / очисти Божественными водами, / молитвами Своими подаючи, Чѣстая, велику мѣлость.

По Хвалите Имя Господне: Величание:

Ублажаем тя, святѣй праведный Прокѣпие, / и чтим святую пѣмѣть твою, / ты бо молиши за нас / Христа Бѣга нашего.

Псалом избранный: Блажен муж, бояйся Господа:

По полиелеи седален, глас 8:

Дѣянія восприим, юродство Христа ради, преблаженне Прокѣпие, чувством украшся, / житіе направил еси Божественным повелѣнием. / Граду Хлынову явился еси свѣтѣльник свѣтел, наставляя нас познанию. / Сего ради восхваляем, величающе любовь, исходную пѣмѣть твою и вопиѣм ти: / моли Христа Бѣга прегрѣшеній оставленіе даровати / чтущим любовь святую пѣмѣть твою.

Слава, и ныне, Богородичен:

Небесную дверь и ковчег, / все святую гору, свѣтлый ѡблакъ воспоѣм, / неопалимую купину, словесный рай, Ёвино воззваніе, / вселенней всей великое прибѣжище, / яко спасеніе Той ради содѣяся мѣру и оставленіе дрѣвним прегрѣшеніем. / Тѣмже и вопиѣм Ей: / моли Христа Бѣга прегрѣшеній оставленіе даровати / ѿже благочестно поклоняющимся пресвятому Рождеству Твоему.

Степенна 1-й антифон, 4-го гласа. Прокимен: Честна пред Господом / смерть преподѣбных Еѣ. **Стих:** Чтѣ воздаѣм Господеву о всех, / ѿже воздаде ми. **Евангелие от Матфея, зачало 43.**

По 50-м псалме стихира, глас 6:

Человѣче Бѣжий, / вѣрный рабе, угодниче Христов, / совершителю Того Божественных повелѣний, / мужу дивный в чудесѣх, столпе и утверждение граду нашему, / Царствию Небесному наследниче, / Богоблаженне Прокѣпие, / дерзновение имѣя ко Христу Бѣгу, / не прѣтай моляся о душах наших.

Ина стихира, глас 6:

Небѣсныхъ благъ и жѣзни вѣчныя возжелѣвъ,/
пѣдвигъ юрѣдства на ся воспрѣимъ, / отрѣклся еси
слѣдѣности врѣменныя, / яко странникъ и нищій, в
безмѣлвѣи пребываѣя, / добродѣлаяй в смирѣнии,
терпѣние и любовь стяжалъ еси, / Христа Бога
возлюбивъ пѣче всего, / в молитвахъ день и ночь у
храмовъ Господнихъ приметаяся, / и Господь дарыми
Святаго Духа обогатѣ ты, / святе блаженне Прокѣ-
пѣе: / молися о насъ Христу Богу, / да спасетъ души
наша / и вѣчныя жѣзни Небѣсныя сподѣбитъ насъ.

Канон, глас 4.**Песнь 1**

Ирмосъ: Мѣря чермную пучину / невлажными
стопами / древний пешешествовавъ Израиль, / кре-
стообразными Моисѣевыми руками / Амалѣкову
силу в пустыни победилъ есть.

Причастіемъ, ѣже к Богу, преподѣбне, былъ еси
светъ / и, к Немѣ отлучився, Прокѣпѣе блаженне,
желѣниемъ крайнимъ, / благимъ надеждамъ своимъ ис-
полнѣние, ѣтче, прѣялъ еси.

Желѣниемъ, ѣже к Богу, распаляемъ, миръ оставилъ
еси / и Наставника обрѣте, Христа, ѣтче Прокѣпѣе
славне, / о Немже стезю спасѣную прошѣлъ еси,
радуясь.

Обогатѣся ѣже никакоже истощаемыми, возже-
лавъ богатство Небѣсное, / славу же временную,
мѣдре, и пищу мимотекущую, / и мирское досто-
яние доблемѣдренно отринулъ еси.

Богорѣдиченъ: Красную, и избранную, и Всече-
стную разумѣвъ Тя, Божій Сынъ, Всенепорѣчная, /
Твой Сынъ и Богъ бысть, / сыны сотвори благодѣтию,
Богорѣдице, чтущія Тя.

Ин канон, гласъ и ирмосы теже.**Песнь 1**

Отъ любви душевныя воспоемъ Отца Небѣснаго, /
создаващаго человека по образу Своему, / славно
бо прославился.

Господни заповѣди исполняя, святе, / райскія
жѣзни сподѣбился еси во обителехъ Небѣсныхъ,
вѣчныхъ, воспеваѣя: / славно Богъ прославился.

Адамово непослушание отвѣрг, Прокѳіе, / Спа-
сову послѣдовал еси смиренію, / послушен быв
воле Отца Небѣснаго до смѣрти, / в тебѣ бо,
блаженне, Господь славно прославися.

Богородичен: Красную и избранную и всече-
стную разумѣв Тя Сын Божій, Пренепорѳчная, /
Сын Твой бысть, / сыны сотвори благодатию,
Богородице, чтущія Тя.

Катавасія: Христѳс раждаѣтся:

Песнь 3

Ирмос: Веселѣтся о Тебѣ Церковь Твоя, Христѣ,
зовущи: / Ты моя крѣпость, Господи, / и прибѣжи-
ще, и утверждѣние.

Усердно к мысленным совлечѣся деѣнием, / по-
беждаѣя вражія полки посѳбием Божѣственного
Духа.

Ранами молитвенными, и воздержаніем, и би-
ѣнием, преподѳбне, / страсти мирскія, ѳтче Прокѳіе,
уязвил еси.

Умори врага блаженный Твой, Иисусе, Прокѳі-
пий, / умерщвлѣние Твое, Владыко, живѳнѳсное
радѳстно возжелѣв.

Богородичен: Избавляющаго человеки от пре-
слушания и лютаго падѣния, / ѳже всем благѳм
Винѳвнаго, Честная и Всенепорѳчная, родила еси.

Ин

Разум чист имѣя, блаженне Прокѳіе, / услѣшав
слова апѳстола Христѳва Павла: / мы бѳи Христѳа
ради, — / восприѣл еси на ся пѳдвиг юрѳдства о
Христѣ, / но Бѳжію Премѳдрость — Сына Бѳжія,
всегда разумно воспеваѣя, величал еси.

Его же возлюбѣ душѳю и тѣлом, Бѳга своего, /
Его же ради всего отрѣклся еси земнаго и
тлѣннаго, / да с Ним Едѳным пребываѣши и
бесѣдуѣши, разумно в сѣрдце поѣ: / Свят еси,
Господи, и поет Тя дух мой.

Землю Вѣтскую босѳими ногѳми зимѳю и лѣтом
освящаѣя, / естество же человѣческое имѣя, бла-
женне Прокѳіе, / Ангельски на землѣ пожѣл еси. /
О преблаженне Прокѳіе! / помолися за нас при-
лежно Бѳгу.

Богородичен: Избавляющаго человеки преслушания лютаго падения, / всему Виновнаго, Чистая и Всенепорочная, родила еси.

Ин кондак, глас 8:

Многою любовью к Богу пламенёя, / любви и смирению людей безмолвно учил еси, / действием будущая являя, / недуги и болезни целил еси. / На путь спасения нас настави, / от язв греховных исцели, / Прокóпие блаженне, / о всех нас Христа Бога моли.

Ин йкос, глас 8:

Иже от Бога прославлен, Прокóпие святы́й, / и дар благодати при́ял еси́ от Него́, / мо́лим тя мы смиренною душо́ю и си́це сла́вим тебе́ от се́рдца на́шего всего́: / ра́дуйся, Хлы́нова гра́да уго́днице святы́й; / ра́дуйся, от Вятския земли́ почтённый похвало́ю. / Ра́дуйся, зде подви́завыйся терпе́нием, моли́твою, постом; / ра́дуйся, в ра́йских селе́ниях просла́вленный Христо́м. / Ра́дуйся, и́бо моля́щихся тебе́ слы́шиши всегда́; / ра́дуйся, прибега́ющих к тебе́ не отве́ргший никогда́. / Ра́дуйся, блаженне Прокóпие, о нас Христа́ Бога на́шего моли́.

Седален, глас 5:

Согласи́ем Божество́нным оза́ряем в пу́ти, веду́щим к жи́зни, / Божество́нным сия́нием ходи́в ве́рно, вра́жних отбе́г прило́г, / и сын Свёту и дни яви́лся еси́, о́тче Прокóпие Богоблаже́нне.

Слава, глас 6:

Наша ра́досте, Прокóпие блаженне, / ты, пред отше́ствием из земны́я жи́зни те́ло твоё свято́е сне́гом омы́в, / причастився Божество́нных Та́ин Те́ла и Кро́ви Христо́вых, / зёмно помоли́вися у хра́мов святы́х, / ру́це крестообра́зно сложив, та́ко почи́л еси́. / Умоли́ Бо́га сподо́бити нас христиа́нския кончи́ны, / да, испове́даем грехи́ на́ша, пока́янными слеза́ми омы́емся, примиримся со всеми́, / Божество́нные же Та́ины при́йдем и та́ко в ми́ре оты́дем на Суд Госпо́день.

И ныне, Богородичен:

Ма́ти Бо́жия Пречестна́я, гра́де христиа́нский, / изба́ви лю́ди Сво́я от бед, приле́жно зову́щих, / и

протівися врагом гордым мысленным, да вопиём Ти:/ радуйся, Благословенная.

Песнь 4

Ирмос: Вознесена Ты видевши Церковь на Кресте,/ Солнце Праведное,/ ста в чине своём,/ достойно взываючи:/ слава силе Твоёй, Господи.

Соединився к стези правды, Богоносне,/ в Божественный град вниде, блаженне Прокóпие,/ спасённым сиянием обогатився.

Единообразен, преподобне Прокóпие,/ в смысл Богоносных мужей, блаженне, вниде Божественными поветями,/ Божественною одеждею одеваясь.

Сердце твоё скрижалё очищену, Духа Святаго благодать обрётше, óтче Прокóпие,/ и написа совершенно безстрастие, веру и любовь нелицемерну.

Богорóдичен: Седяй на Престоле превознесёне Херувимстем,/ яко престол Ты имёя, Маріе Бого-неве́сто,/ на руку Твоюю почив,/ препрославленный Бог наш.

Ин

Людем послужил еси во спасение, блаженне Прокóпие,/ предвеща́я им знаками и де́йствиями грядущая и обраща́я к покая́нию и за́поведем Бо́жиим,/ да вси славу силе Господней поём.

А́нгельски пожив на земли в телеси,/ зной и мраз, глад и жажду, биение и поругание, яко же Безплотный, претерпева́я, блаженне,/ Бо́жией силе, укрепляющей тя, славу воспева́л еси.

Жизнь вѣчную восхотѣв наслѣдовати,/ всю жизнь твою Ева́нгельским за́поведем покорѣ, блаженне Прокóпие,/ и жи́знию своєю́ Бо́га просла-вил еси.

Богорóдичен: Седяй на престоле превознесённо Херувимстем,/ яко престол Ты имёя, Маріе Бого-неве́сто,/ на руках Твоих почи́ препрославленный Бог наш.

Песнь 5

Ирмос: Ты, Господи, мой Свет,/ в мир пришёл еси,/ Свет Святый, обраща́я из мра́чна неведения/ ве́рою воспева́ющия Тя.

Пресвѣтлую зарю, Прокѳіе блаженне, приим, /
яко солнце, явился еси, / бесѳвскую тму отогнав,
достославне.

Твоим желанием, Христѣ, окрился, блажен-
ный Прокѳій / желание телесное, якоже сгрѣ-
бие* мирское, мудре оттрясе.

Силою Божественною укрепився, в мир вселил-
ся, опустеваящи страсти, / ѳче Богомудре Прокѳі-
е.

Богорѳичен: Речѣние прѣста тленное, / Дѣва бо
нетленно роди Бѳа Слѳва, / вѣше естества и
слѳва пребывши Дѣвою.

Ин

На подвиг юродства благословѣние Бѳіе чрез
преподѳбнаго Трифона испросив, блаженне Про-
кѳіе, / другом был еси ему на земли и во обителѣх
Небесных, / и по смѣрти являешися купно с ним: /
молитесь всегда, да Господь подаст мир людем
Своим.

На земли всяческия утѣхи лишився, блаженне
Прокѳіе, / в Небесных же селѣніих сторѣцею
награду восприяв сокровищ духовных, вѣчных, /
ныне радуешься, Господа воспевая.

Ангельски непрестанно возносил еси хвалу
Бѳу и молитвы, живя на земли, / и ныне на Небесѣ
пред престѳлом Владыки Христа предстои, / моли-
ся о нас, Прокѳіе блаженне.

Богорѳичен: Речѣние прѣста тленное, / Дѣва бо
нетленно роди Бѳа Слѳва, / паче естества и слѳва
Дѣва пребывает.

Песнь 6

Ирмос: Пожру Ти со гласом хвалѣния, Господи, /
Цѣрковь вопиет Ти, / от бесѳвския крове очѣщи-
ся / ради милости от ребр Твоих / истѣкшею
Кровию.

Ум свой весь к Бѳу простирая непрестанными
поучѣньми, / плотскую же любовь не пощадѣ, /
благим ходатайством, Прокѳіе, присвоѣем.

Ни скверны, ни враски прият, блаженне, /**
посредѣ тебѣ міра живущу, / честными же паче

* Сгрѣбие — сор, грязь.

** Враска — морщина, всякий недостаток или порок.

мольба́ми сво́ими очища́еши от душе́вныя скве́рны притека́ющия.

Ты, плотскі́х мудрова́ний вѣ́шши по́мысл имѣ́я, / не уязви́ся, посреді́ жен обнажа́ем, / безстра́стія бо оде́ждою, Прокóпие, облече́ся.

Богорóдичен: Усты́, и по́мыслом, и се́рдцем, Пречи́стая, Тя, Богорóдицу, проповѣ́дуем. / Тобо́ю бо Бо́гови примири́хомся, / отринове́ннии пе́рвее преступле́нием пра́отца.

Ин

О Го́споди, спаси́ нас, погиба́ем, потопля́еми грехо́м! / Моли́твенно возде́тыми к Тебе́ о нас рука́ми блаже́ннаго Прокóпия, / Изба́вителю, и нас спаси́.

Прокóпие блаже́нне, ты еси́ дѣ́вный и святы́й, / мы же грѣ́шни и нѣ́мощни, / моли́ся Изба́вителю от ге́енны спасти́ нас.

Ра́дость спасе́ния и нам испроси́ у Бо́га, блаже́нне Прокóпие, / дерзнове́ние имѣ́я пред Ним, Изба́вителем и Спаси́телем на́шим, / да с тобо́ю воспо́ем Его́ во ве́ки.

Богорóдичен: Усты́, и по́мыслы, и се́рдцем, Пресвята́я Богорóдице, Тя проповѣ́дуем: / Тобо́ю Бо́гу примири́хомся, / отринове́ннии преступле́нием пе́рвее пра́отца.

Конда́к, глас 2.

Подóбен: Вѣ́шния красoty:

В озбра́нному и дѣ́вному в пра́ведницех му́жу, / волею́ во ю́родство претвори́вшуся, / мі́ра сегó красóты возненави́дел еси́, / плотскáя мудро́ванія увяди́л еси́ постóм и жа́ждею, / студѣ́нию мрáза, снѣ́га, и знóя, и дождя́, / и от прóчія возду́шныя тягóты никогдá же уклони́ся / и очи́стил еси́ себе́, я́ко зláто в горни́ле, Прокóпие блаже́нне, / всей Вѣ́тской земли́ похвалá и утвер́ждение.

Ў́кос:

Прииді́те, христолю́бцы, / прииді́те, нищелю́бцы, / восхва́лим блаже́ннаго страда́льца, премудра́го Прокóпия, / бѣ́вша ю́рода Христа́ ради́, / волею́ мі́ра и я́же в нем уме́ты вмени́вша, по

апóсто­лу, / и во след Хри­ста́ усердно потék­ша, / плоть же сво­ю́ постом, и жа́ждею, и знóем, / и дождем, и снóгом, воз­ду́шною т­я́гостию сми­рив­ша, / д­у́шу же от стра­стей сво­бóдну со­блю́дша / и свéтлу доб­ро­дéтельми со­дéлавша, / и Не­бéсное жи­тиé со всéми свя­тými вéчно на­слéдовавша, / и мо­ля́щаяся Хри­сту́ Бóгу о ч­т­у́щих Е­го́ вéрою и любóвию. / К не­му́ же возопи­ем: / ра­дуйся, угодни­че Хри­стов, Про­кóпие бла­жénне, / всей Вятской зем­ли́ похвалá и утвер­ж­дéние.

Песнь 7

Ир­мóс: В пе­щи́ ав­ра­а́м­сти­и óт­ро­цы пер­сид­стей, / любóвию бла­го­чéстия пáче, / нéжели пла́менем, опа­ляе­ми, взы­ва́ху: / бла­го­словéн е­с­и́ в хра­ме сла́вы Твоея́, Го́споди.

Не из­вóли нич­тóже на зем­ли́ любóти, пáче Зижди­теля, / но, посре­ди́ хра­мов скита́ясь, бла­жénне Про­кóпие, ра­дова­ше­ся и поя́ше, / бла­го­словéн е­с­и́, зовы́й, в цéрк­ви сла́вы Твоея́, Го́споди.

Не по­ща­дé плóти сво­ей, / но пре­да­дé ю на пóд­ви­ги и труды́, н­у́жное пре­бы­ва́ние, / тем кóзни бесóвския м­у́жески по­п­р­а́в, бла­жénне Про­кóпие, поя́ше, зовы́й все­гда́: / бла­го­словéн е­с­и́ в цéрк­ви сла́вы Твоея́, Го́споди.

О­дер­ж­им хри­сто­по­дóбною, óт­че, Бо­жéствен­ною любóвию, пре­бла­жénне Про­кóпие, / вся бо, я­ко у­мéты, вме­нил е­с­и́, во­пия́ше, зовы́й не­мóлчно: / бла­го­словéн е­с­и́ в цéрк­ви сла́вы Твоея́, Го́споди.

Бо­го­ро́дичен: Вы́шня­го ос­вя­щénное Бо­жéствен­ное се­лéние, ра­дуйся. / То­бóю бо да­дéся ра­дость, Бо­го­ро́дице, зо­в­у́щим: / бла­го­словénна Ты в же­на́х е­с­и́, Все­не­по­рóчная Вла­ды́чице.

Ин

К­тó нам путь к Бóгу ос­ве­тит, / кто на­уч­ит пла́мень стра­стей по­га­с­и́ти, кро­ме вас, свя­ти́и, / про­шéд­шии по пу­ти́ жи́зни спаси́тельно? / По­мо­з­и́те нам, да и мы с ва́ми вос­по­ем: / о­т­ц­ев и наш Бóже, бла­го­словéн е­с­и́.

Об­щую со все­ми свя­тými и А́нгела­ми-хра­ни́те­ля­ми / воз­нес­и́ о нас мо­ли́тву, бла­жénне Про­кóпие, / к Бóгу От­цу́ Не­бéсному.

Прокóпие блаженне, святы́й, / моли́ся о лю́дех, соверша́ющих святу́ю па́мьть твою́, / лобыза́ющих ико́ну твою́ и прославля́ющих Бо́га отце́в на́ших.

Богорóдичен: Вѣшняго освященное Божественное селѣние, раду́йся, / Тобóю бо даде́ся радóсть, Богорóдице, зову́щим: / благословѣнна Ты в жена́х еси, Всенепорóчная Влады́чице.

Песнь 8

Ирмós: Ру́це распростѣр, Дани́ил / львов зия́ния в рóве затче́; / о́гненную же си́лу угаси́ша, / добродѣтелию препоя́савшеся, / благоче́стия ра-чи́тели о́троцы, взыва́юще: / благослови́те, вся дела́ Господня́, Го́спода.

Всесвѣтлая звезда́, сущих в тимѣнии страсте́й приводя́ к животу́, / науча́я твори́ти Божественныя за́поведи и нечи́стыя целомудренно жи́ти, / отго́ниши лю́тыя недуги, вопия́: / благослови́те, вся дела́ Господня́, Го́спода.

Ты, цел умом в кро́ве чу́дных, му́дре, / мно́ги уловил еси́ юродствовати Го́спода ради́, / ве́дый наруга́ем бы́ти, вопия́ чистѣйшею душе́ю, Прокóпие блаженне: / благослови́те, вся дела́ Господня́, Го́спода.

Соверше́н еди́н И́же Свои́х сла́вляй Господь, / прославля́я тя, преподо́бне, / ко грóбу твоemú притека́ющия исцеля́я, светлословѣньми зову́щия: / благослови́те, вся дела́ Господня́, Го́спода.

Богорóдичен: Избавля́яй нас, возсия́ из Тебе́ Господь, Де́во Чы́стая, / Егóже моли́, Влады́чице, спасти́ пою́щия Тя / и от обстоя́ния изба́вити нас, вопию́щих: / благослови́те, вся дела́ Господня́, Го́спода.

Ин

Яви́ся о́браз воздержа́ния, моли́твы и любве́, блаженне Прокóпие, / да и мы, подража́юще тебѣ, сподо́бимся Ца́рствия Небе́снаго, / да, спасѣннии, хва́лим и благослови́м Бо́га во ве́ки.

Сла́ва Бо́гу, созда́вшему нас; / сла́ва Спа́сшему нас; / сла́ва Да́рующему жизнь ве́чную святы́м Свои́м. / Хва́лим Егó и превозно́сим во вся ве́ки.

Лю́дие вси, / чрез блаженнаго Прокóпия вознесе́м хвалу́ Бо́гу на́шему, / благослови́м Егó и

воскликнем: / Господа пойте, дела, и превозносите во вся веки.

Богородичен: Избавляяй нас, возсия из Тебѣ Господь, Дѣво Чистая, / Егѡже моли, Владычице, просветити поющия Тя, / и обстояния нас избавити, вопиющих: / благословите, вся дела Господня, Господа.

Песнь 9

Ирмос: Камень нерукосѣчный / от несекомыя горы, Тебѣ, Дѣво, / краеугольный отсечеса, / Христос, совокупивый разстоящаяся естества. / Тем, веселящися, Тя, Богородице, величаем.

Всем сердцем, Прокѡпие, Троице усердно предложився / и, от Нея луча благодельно приѣм, / световиден быв и со Ангелы ликующи.

Желанием Божественным приединився и воздержанием просвѣщая, / чаемых вечных благ во причасти бив, Богоблаженне Прокѡпие, и наслаждении.

Твоя болѣзни и пѡты прият весѣлие, никакоже конца имущее, / в немже питаѣся, Прокѡпие преблаженне, / и нас непрестанно поминай.

Богородичен: Спаси мя, рѡждшая всех Избавителя и Благодѣтеля, / разори души моея мрачный ѡблакъ, / Свѣта облаче Святая Владычице, / и сильна содейай на страсти, борющия мя.

Ин

Видим любовь Божію к нам, грѣшным, / видим и отвѣтную любовь святых к Немѹ, / возлюбим и мы Егѡ во веки.

Имѣя мѡлость и благодать от Бѡга, блаженне Прокѡпие, / с Богородицею и Предтечею молися о нас, грѣшных.

Мир, согласіе, любовь, веру и добродѣтельную жизнь / испроси чрез Владычицу міра Богородицу, святой блаженный Прокѡпие, / от Христа Бѡга всем людем земли.

Богородичен: Спаси мя, рѡждшая всех Избавителя и Благодѣтеля, / разори души моея ѡблаки, / Свѣта ѡблаче, Святая Владычице, / и сильна содейай на страсти, борющия мя.

Светилен:

Удалился, бегая мирских сожительства, / Христу, Иже над всеми Богу нашему, непорочным житием благоугодил еси. / Егже ныне моли о нас, рабех твоих, / верою празднующих всечестную память твою, Богомудре Прокопие.

Слава:

Иже Свет миру, Христэ, просветивый святых солнца светлейше, / молитвами блаженного Прокопия и наши сердца освети / благоразумием и светом благодати Твоея.

И ныне, Богородичен:

Мудрость составную, и Слово пресущное, и Врача всех порождающая, Дево, / струпы и язвы души моея исцели, / лютыя и многовременныя, и страстная утoli сердца моего помышления.

На хвалитех стихиры, глас 8.

Подобен: О, преславного чудесе:

О, преславное чудо, / во изступлении ума совершившая духовная премудрость в тебе, отче Прокопие. / Вся бо, яко уметы, вменил еси, / да Христа приобретаеши, / и Царство Небесное возлюбил еси, / еже получив ныне, / со Ангелы предстоя, святе, / молися о чтущих прилежно память твою.

О, преславное чудо, / в брэнном теле ходя на земли, / Тебе ради, яко Бесплотен, пребывая, угодник Твой Прокопий / велие нестяжание стяжа, / обещанных Твоих возжелев, / Егже ни око виде, ни ухо слыша, ни на сердце человеку взыде, / уготованных любящим Тебе, / того молитвами, Христэ, / спаси души наша, яко Милостив.

Богоблаженне Прокопие, / возненавидев временная мира сего, / умертвил еси вся плотския сладости, / Богоугодно подвижаяся, / на высоту востече добродетелей, / и вражия козни попрал, и победы венеч восприя, / от земли преставися / и ныне на Небеси с лики праведных веселишися, / моли спастися душам нашим.

Ины стихиры, глас 5:

Хвалити Бога подобает всем, / мы же, грешнии, како смеем вознести хвалу? / Ты, блаженне Прокопие, / вознеси от нас хвалу Богу нашему.

Восхва́лим общаго всех Влады́ку Бо́га / не уста́ми то́кмо, но и жи́знию свято́ю, / предводи́теля во хвалё имёюще блаже́ннаго Прокóпия, и воскликнем: / хва́лим Бо́га и превозно́сим Его́ во ве́ки.

А́нгели Бо́га воспева́ют, / вся тварь хва́лит Его́, / велича́ют вси святи́и лю́дие, / блаже́нный Прокóпий престо́лу Его́ покланя́ется, / и мы славосло́вим Его́ во вся ве́ки.

Любо́вь отве́тную приими́, о Бо́же наш, / ра́дость нашу́ о любви́ Твое́й / мы в славосло́вии воспева́ем / и хва́лим, и благослови́м Тебе́ во ве́ки.

Искренне умо́м и любо́вию / воспоём Христа́: / осáнна в вы́шних Свято́му — Аллилу́ия, Аллилу́ия, Аллилу́ия — Бо́гу на́шему всегда́.

Сла́ва, глас 8. Самогласен:

Добродётелей твои́х, Богому́дре Прокóпиие, исправле́ния / уясни́ша ве́рных серде́ц. / Кто бо, слы́ша безме́рное твоё смире́ние и терпе́ние, не удиви́тся, / е́же ко всем крото́сть и беззло́бие, / к скорбя́щим ми́лование, и к су́щим в беда́х ско́рое помо́жение, / и к пла́вающим безмяте́жное приста́нище, / и в путь шеству́ющим благопоспеше́ние. / Вся благоле́пно предва́ри, досточу́дне Прокóпиие, / и ны́не неувяда́емым венце́м оде́йся / от руки́ Вседержи́теля Бо́га, / Его́ же моли́ спастися ду́шам на́шим.

И ны́не, предпразднства, или Богородичен, глас 8:

Ми́ра прибе́жище, хвалы́ досто́йная, / Пресла́вная Богоро́дице Мари́е! / Хвалу́ вознеси́ Сы́ну Твоему́ и Бо́гу / со Безнача́льным Его́ Отце́м и Божество́нным Ду́хом / и нас укрепи́ и научи́ славосло́вити Бо́га во ве́ки.

НА ЛИТУРГИИ

Блаже́нны от канóна песни́ 3-я и 6-я. Прокíмен, глас 3: Возвесели́тся пра́ведник о Го́споде / и упова́ет на Него́. Стих: Услы́ши, Бо́же, глас мой, внегда́ моли́тимися к Тебе́. Апóстол к Коринфя́ном, зача́ло 131. Ева́нгелие от Матфе́я, зача́ло 69.

Молѣтва святому блаженному Прокóпию, Вѣтскому чудотворцу

О подвижниче многотрудный и кроткий, молитвенниче усердный и любвеобильный целѣбниче, святыи блаженный Прокóпие! Града Хлынова украшение, Вѣтския земли Небесный молитвенниче! Кѣя похвалы принесемъ тебѣ, святче Божий? Како воспоемъ тя? Токмо, молящеся тебѣ, вспоминаемъ дивныя подвиги твои. Ты из дѣтства Богоугодно пожилъ еси, послушание родителемъ и трудолюбие являя. В возрастъ пришедъ и услышавъ словеса Спасителя: Аще кто хощетъ по Мнѣ ити, да отвержется себѣ, и возметъ крестъ свой, и по Мнѣ грядетъ,— и: Кто любитъ иного паче Мене, недостоинъ есть Мене,— ты, блаженне, послушенъ бывъ Христову слову, деломъ и жизнью отвѣщая на заповѣди Его, и ради любви къ Немѹ всего отрѣкся, возлюбилъ еси чистоту и целомудрие, молчаніемъ устъ заградивъ, да непрестанно умомъ съ Богомъ бесѣду твориши и молишися Ему, и по слову апостола Павла: Мы бѹи Христа ради, вы же мудри о Христѣ,— подвигъ особый и многотрудный воспріи́л еси на ся, являя себѣ, яко безумна и юродива предъ людьми, разумъ же совершенъ имѣя, почитая всехъ лучшими себѣ и во всемъ подви́зе до смерти пребылъ еси. Ты, ранѣе всехъ къ Божественнымъ службамъ приходя, послѣднимъ исходилъ еси изъ храма; обходя храмы града, на папертехъ молился еси днемъ и нощію. Гладомъ и жаждою томясь, зной и мразъ зимній терпѣя, мало прикрывая наготу свою, босыми ногами по снѣгу ходилъ еси, посмеяніе и биченіе отъ людей неразумныхъ терпѣя, за обидчики моляся, съ клятвою прещая духовнику своему, да не откроетъ бесѣду и подвигъ людемъ. За таковыя подвиги Господь Богъ прослави́ тя даромъ исцелѣнія болѣзней и недуговъ и предвѣденія грядущаго: многимъ бо предрекалъ еси образами готóвиться покаяніемъ къ смерти, другія же радостно воздвигалъ еси отъ одра болѣзни, темничное заключеніе или отъ него избавленіе и общія бѣдствія предвещая, призывалъ еси къ покаянію. Предъ кончиною твоею, юже откры тебѣ Богъ, тѣло твоѣ снѣгомъ отирая, омылъ еси и, много молився,

почи́ от трудо́в пра́ведных, душо́ю же в Небе́сныя оби́тели от Бо́га прия́тый, отту́ду явля́лся еси́ с преподо́бным Трифо́ном, да́руя исцеле́ния.

Мо́лим тя, святы́й Проко́пие: яко име́я дерзнове́ние у Го́спода, испроси́ нам жизнь ми́рную, от собла́знов и ко́зней диа́вольских изба́ви; храм сей, град наш и всю страну́ нашу сохрани́ в ми́ре, от враго́в защити́; земли́ плодонóсие, возду́ха благо-растворе́ние, вод освяще́ние, избы́лие плодо́в и вся потре́бная для жи́зни сей да́руй лю́дем, чту́щим тя и моля́щимся тебе́; нам и всем право-сла́вным христиа́ном испроси́ у Спаси́теля Хри́ста Бо́га в христиа́нских добродете́лех пребыва́ти, ве́ру и любо́вь к Бо́гу всегда́ имети́, с наде́ждою стреми́ться к жи́зни ве́чной; смире́ния и терпе́ния, крото́сти и воздержа́ния испо́лниться; моли́тве неразсе́янной и непреста́нной научи́ться, христиа́нския кончи́ны жи́зни на́шей, безболе́зненны, ми́рны с пока́йнием и приобще́нием Хри́стовых Таи́н сподо́битися, тако́жде и до́браго отве́та на стра́шнем суди́лищи Хри́стовем, да, твоими́ моли́твами огражда́емыми и сопу́тствуемыми, дости́гнем возжеленны́я жи́зни ве́чныя в Ца́рствии Бо́жием, да та́мо вку́пе с тобо́ю и все́ми святы́ми сла́вим Отца́ и Сы́на и Свята́го Ду́ха, ны́не, и прísно, и во ве́ки веко́в. Ами́нь.

Блаженный Прокопий, Христа ради юродивый, Вятский чудотворец. В 1578 году в 6 верстах от Хлынова (Вятки), в деревне Корякинской, в крестьянской семье родился вымоленный у Господа мальчик Прокопий. Однажды, работая в поле на лошади, 12-летний мальчик был поражен ударом молнии. Дома отрок очнулся, но оставался в иступлении: Прокопий раздирал на себе одежду, топтал ее, ходил нагим. Родители привезли его к преподобному Трифону Вятскому (†1612; память 8 октября), прося помолиться о нем святителю Николаю Чудотворцу и преподобному Сергию Радонежскому. Отслужив молебен, преподобный Трифон окропил мальчика святой водой — и к нему вернулся разум.

Через 5 лет после исцеления он прислуживал три года в храме во имя


великомученицы Екатерины в городе Слободском. Когда святому Прокопию исполнилось 20 лет, его хотели женить, но он тайно ушел в город Хлынов и там начал свой трудный, но благодатный путь юродства Христа ради. Вспомнив о своем детском безумии, он повторил его теперь сознательно: раздирал на себе одежды и ходил нагим, вдохновляясь примером наиболее чтимых северорусских святых — блаженного Иоанна (†1494; память 29 мая) и блаженного Прокопия (†1303; память 8 июля) Устюжских. Святой Прокопий наложил на себя подвиг молчания и объяснялся знаками. Одни смеялись над ним, другие били, но юродивый все терпел с благодарностью.

В народе скоро стала известна прозорливость святого: он часто ходил к больным города и, если видел, что

больной должен выздороветь, приподнимал его и радовался; а если больной должен был умереть, блаженный плакал, целовал его, складывал свои руки на груди, показывая этим, что надо готовиться к смерти. Прозорливость блаженного открыла его святость. Много печалился блаженный об узниках, приносил им хлеб и всегда старался ободрить, указывая на скорое освобождение. Лишь со своим духовником, священником церкви в честь Вознесения Господня Иоанном Колачниковым, он прерывал свое безмолвие, заповедавая ему не открывать тайну его подвига до кончины.

В церкви во имя святого Иоанна Предтечи был такой случай: юноша Корнилий Корсаков пел за литургией на клиросе, святой Прокопий взял его за руку, повел к царским вратам и толкнул в алтарь. Через 6 лет Корнилий принял сан священника, а овдовев, принял постриг с именем Киприан и стал игуменом.

Около 30-ти лет подвизался блаженный Прокопий Вятский в подвиге юродства. Однажды ему была предвозвещена скорая кончина. Отстояв Богослужение в церкви, святой вышел на Пятницкий мост и долго молился. Перейдя его, он сел и отер тело снегом, словно очищая себя от скверны. Потом пришел к городской башне, называемой «Вышкой», обратился к востоку и снова усердно молился.



Скончался блаженный Прокопий Вятский с молитвенно простертыми руками, как бы самой смертью знаменуя несение жизненного креста. Это было 21 декабря 1627 года, на 50-м году жизни. Блаженный Прокопий Вятский был с честью погребен в вятском Трифоновом Успенском монастыре, с северной стороны соборного храма.

